

摘藻堂四庫全書薈要

史部

欽定四庫全書叢要

史部

資治通鑑卷一百一十六

七




詳校官編修臣汪鏞

欽定四庫全書會要卷七千一百二

史部

資治通鑑卷一百一十六 宋 司馬光 撰

胡三省 音註

 東漢紀三十八

起重光大淵獻盡開  
逢攝提格凡四年

安皇帝辛

義熙七年春正月己未劉裕還建康 秦廣平公弼有

寵於秦王興為雍州刺史鎮安定

姚秦分嶺北五郡置  
雍州刺史鎮安定雍

於用姜紀諂附於弼勸弼結興左右以求入朝興徵弼

為尚書令侍中大將軍弼遂傾身結納朝士

朝直遙翻

收采

名執以傾東宮國人惡之

惡鳥路翻

會興以西北多叛亂欲

命重將鎮撫之

將即亮翻下侍將同

隴東太守郭播請使弼出鎮

魏收地形志有隴東郡領涇陽祖厲撫夷三縣不載立郡之始蓋苻姚所置也西魏置隴東於汧源唐之隴州

是與不從以太常索稜為太尉領隴西內史使招撫西

秦

為索稜降西秦張本索昔各翻

西秦王乾歸遣使送所掠守宰謝罪

請降

謂去年克南安略陽隴西諸郡所得守宰也使疏吏翻降戶江翻

興遣鴻臚拜乾

歸都督隴西嶺北雜蕃諸軍事征西大將軍河州牧單



于河南王太子熾磐為鎮西將軍左賢王平昌公

如翻

單音蟬熾昌志翻

興命羣臣搜舉賢才右僕射梁喜曰臣累受

詔而未得其人可謂世之乏才興曰自古帝王之興未

嘗取相於昔人

相息亮翻

待將於將來隨時任才皆能致治

將即亮翻治直吏翻

卿自識拔不明豈得遠誣四海乎羣臣咸悅

姚興之折梁喜誠是矣羣臣體興之意而明揚反陋者誰乎此所謂好虛名而無實用者也

秦姚

詳屯杏城為夏王勃勃所逼

雅翻

南奔大蘇勃勃遣平

東將軍鹿奔干追斬之盡俘其衆勃勃南攻安定破尚

書揚佛嵩于青石北原降其衆四萬五千

降戶

進攻東

鄉下之徙三千餘戶于貳城秦鎮北參軍王買德奔夏

夏王勃勃問以滅秦之策買德曰秦德雖衰藩鎮猶固

願且蓄力以待之勃勃以買德為軍師中郎將

買德遂為夏之

謀臣秦王興遣衛大將軍常山公顯迎姚詳弗及遂屯杏

城劉藩帥孟懷玉等諸將追盧循至嶺表

帥讀曰率

二月

壬午懷玉克始興斬徐道覆

河南王乾歸徙鮮卑僕

渾部三千餘戶于度堅城

僕渾降乾歸見上卷上年度堅城即乞伏先所都度堅山

城以子勅勅為秦興太守以鎮之乞伏乾歸本建國號

度堅焦朗猶據姑臧朗據姑臧見沮渠蒙遜攻拔其

城沮子執朗而宥之以其弟拏為秦州刺史鎮姑臧拏女

居遂伐南涼圍樂都樂音三旬不克南涼王儁檀以子

安周為質乃還質音吐谷渾樹洛干伐南涼敗南涼

太子虎臺敗補南涼王儁檀欲復伐沮渠蒙遜邯川

護軍孟愷諫曰復扶又翻水經河水自西平郡東流逕

邯川城南劉昫曰廩州化隆縣東古邯川地杜佑曰後漢和帝將侯霸置東西邯也田五部邯水名也分流左

右在寧塞郡據唐志寧塞本澆河  
郡唐玄宗天寶中更名今之鄜州蒙遜新并姑臧凶執

方盛不可攻也僞檀不從五道俱進至番禾苕藿

番音盤藿

徒弔翻

掠五千餘戶而還

還從宣翻又如字下同

將軍屈右曰今既

獲利宜倍道旋師早度險阨蒙遜善用兵若輕車猝至

大敵外逼徙戶內叛此危道也衛尉伊力延曰彼步我

騎

騎奇寄翻

勢不相及今倍道而歸則示弱且捐棄資財非

計也俄而昏霾風雨蒙遜兵大至僞檀敗走蒙遜進圍

樂都僞檀嬰城固守以子染干為質以請和

質音致

蒙遜

乃還 三月劉裕始受太尉中書監

加太尉見上卷五年加中書監見六

年以劉穆之為太尉司馬陳郡殷景仁為行參軍

行參軍未

得與參軍事班也注已見前

裕問穆之曰孟昶參佐誰堪入我府者

穆之舉前建威中兵參軍謝晦晦安兄據之曾孫也

昶孟

為建威將軍辟晦為中兵參軍

裕即命為參軍裕嘗訊囚其旦刑獄參

軍有疾以晦代之于車中一覽訊牒催促便下

下遐相

府多事獄繫殷積

相息亮翻

晦隨問酬辨曾無違謬裕由是

奇之即日署刑獄賊曹

刑獄蓋分民曹賊曹賊曹掌盜賊事宋志諸府參軍有長流賊

曹刑獄賊曹城局賊曹刑獄無民曹

謝晦為參軍未掌曹職今乃升署

晦美風姿善言笑

博瞻多通

瞻時  
艷翻

裕深加賞愛

盧循行收兵至番禺遂

圍之孫處拒守二十餘日

番禺音潘愚  
處昌呂翻

沈田子言於劉

藩曰番禺城雖險固本賊之巢穴今循圍之或有內變

且孫季高衆力寡弱

孫處字  
季高

不能持久若使賊還據廣

州凶勢復振矣

復扶  
又翻

夏四月田子引兵救番禺擊循破

之所殺萬餘人循走田子與處共追之又破循於蒼梧

鬱林寧浦

蒼梧鬱林漢古郡寧浦郡吳分合浦郡立蒼  
梧唐之鬱州鬱林唐之鬱林州寧浦唐之橫

州會處病不能進循奔交州初九真太守李遜作亂

九真

漢古郡唐之愛州

交州刺史交趾杜瑗討斬之瑗卒

瑗于眷翻卒子恤翻

朝廷以其子慧度為交州刺史詔書未至循襲破合浦

合浦漢古郡唐之廬州

徑向交州慧度帥州府文武拒循於石碕

破之

碕渠羈翻岸曲曰碕帥讀曰率

循餘衆猶三千人李遜餘黨李脫

等結集俚獠五千餘人以應循

俚音里獠魯皓翻

庚子循晨至

龍編南津

交趾郡龍編縣州郡皆治焉水經注漢建安二十三年立州之始蛟龍磐編於水南北二

津故改龍淵曰龍編余據二漢志皆作龍編無亦師古章懷避唐諱因亦改淵為編乎

慧度悉散

家財以賞軍士與循合戰擲雉尾炬焚其艦

雉尾炬束草之一頭

施鐵鍬草尾則散開如雉尾然藝火以投敵艦戶黥翻

以步兵夾岸射之

射而循亦翻

循

衆艦俱然兵衆大潰循知不免先鴆妻子名妓妾問曰

妓渠綺翻

誰能從我死者多云雀鼠貪生就死實難或云官

尚當死某宣願生乃悉殺諸辭死者因自投於水慧度

取其尸斬之并其父子及李脫等函七首送建康初

劉毅在京口貧困與知識射於東堂庾悅為司徒右長

史後至奪其射堂衆人皆避之毅獨不去悅厨饌甚盛



不以及毅毅從悅求子鵝炙

饌雛戀翻又雛皖翻炙之夜翻子鵝為炙尤肥美

悅怒不與毅由是銜之至是毅求兼督江州詔許之因

奏稱江州內地以治民為職

治直之翻

不當置軍府彫耗民

力宜罷軍府移鎮豫章而尋陽接蠻可即州府千兵以

助郡戍於是解悅都督將軍官以刺史鎮豫章毅以親

將趙恢領千兵守尋陽悅府文武三千悉入毅府符攝

嚴峻

符攝符下江州追攝之也

悅忿懼至豫章疽發背卒

疽千余翻卒子恤翻

河南王乾歸徙羌句豈等部衆五千餘戶於疊蘭城

句豈降乾歸見上卷上年疊以兄子阿柴為興國太守  
蘭城在大夏西南嶮嶺東北

以鎮之

漢末興國氏王阿貴據興國城在略陽郡界乞伏因其地名置郡

五月復以子

木奕干為武威太守鎮嶮嶺城

嶮嶺城四年乞伏熾磐所築復扶又翻

丁卯魏主嗣謁金陵山陽侯奚斤居守

守式又翻

昌黎王慕

容伯兒謀反已已奚斤并其黨收斬之秋七月燕王

跋以太子永領大單于置西

輔太子領大單于始於劉漢時置左右輔而已跋

增置前輔後輔單音蟬

柔然可汗斛律遣使獻馬三千匹於跋

從可

刊入聲汗音寒使疏吏翻

求娶跋女樂浪公主

樂浪音洛琅

跋命羣臣議

之遼西公素弗曰前世皆以宗女妻六夷宜許以妃嬪

之女

嬪 毗 賓 翻

樂浪公主不宜下降非類跋曰朕方崇信殊

俗奈何欺之乃以樂浪公主妻之

妻 七 細 翻

跋勤於政事勸

課農桑省徭役薄賦斂

斂 力 瞻 翻

每遣守宰必親引見

見 賢 遍 翻

問為政之要以觀其能燕人悅之 河南王乾歸遣平

昌公熾磐及中軍將軍審虔伐南涼審虔乾歸之子也

八月熾磐兵濟河

此 濟 金 城 河 也 熾 昌 志 翻

南涼王倭檀遣太子虎

臺逆戰於嶺南

倭 奴 沃 翻

南涼兵敗虜牛馬十餘萬而還

還 從

宣翻又如  
字下同

沮渠蒙遜帥輕騎襲西涼

帥讀曰率  
騎奇寄翻

西涼

公暉曰兵有不戰而敗敵者

暉古老翻  
敗補邁翻

挫其銳也蒙遜

新與吾盟

事見上  
卷上年

而遽來襲我我閉門不與戰待其銳

氣竭而擊之蔑不克矣項之蒙遜糧盡而歸暉遣世子

歆帥騎七千邀擊之蒙遜大敗獲其將沮渠百年河

南王乾歸攻秦略陽太守姚龍于柏陽堡克之冬十一

月進攻南平太守王憬於水洛城

水經注水洛亭在隴  
山之西漢略陽縣界

鄭戩曰水洛城西占隴坻通秦州往來路隴之二水環  
城西流繞帶渭河川平土沃廣數百里元豐九域志德

順軍西南一百里有水洛城仁宗朝鄭戡使劉滄所築也憬居永翻

又克之徙民三千餘

戶於譚郊

譚郊在治城西北

遣乞伏審虔帥衆二萬城譚郊

帥讀

曰十二月西羌彭利髮襲據枹罕

枹音膚

自稱大將軍河

州牧乾歸討之不克是歲并州刺史劉道憐為北徐

州刺史移鎮彭城

八年春正月河南王乾歸復討彭利髮

復扶又翻

至奴葵谷

利髮棄衆南走乾歸遣振威將軍乞伏公府追至清水斬之收羌戶一萬二千以乞伏審虔為河州刺史鎮枹

罕而還 二月丙子以吳興太守孔靖為尚書右僕射

河南王乾歸徙都譚郊命平昌公熾磐鎮苑川乾歸

擊吐谷渾阿若干於赤水降之

五代志隋大業五年平吐谷渾置河源郡於古

赤水城蓋近積石山魏收地形志臨洮郡有赤水縣水經注赤水城亦曰臨洮東城降音戶江翻

夏

四月劉道規以疾求歸許之道規在荊州累年

元年道規刺荊

州秋毫無犯及歸府庫帷幕儼然若舊隨身甲士二人

遷席於舟中道規刑之於市以後將軍豫州刺史劉毅

為衛將軍都督荆寧秦雍四州諸軍事荊州刺史

雍於用翻

毅謂左衛將軍劉敬宣曰吾忝西任欲屈卿為長史南

蠻

為南蠻校尉府長史也

宣有見輔意乎敬宣懼以告太尉裕裕

笑曰但令老兄平安必無過慮毅性剛愎

愎彌力翻

自謂建

義之功與裕相埒

埒龍輟翻等也

深自矜伐雖權事推裕而心

不服

觀去年答弟藩之言可知已

及居方岳常怏怏不得志

怏於兩翻裕

每柔而順之毅驕縱滋甚嘗云恨不遇劉項與之爭中

原及敗於桑落

事見上卷六年

知物情已去彌復憤激

復扶裕又翻

素不學而毅頗涉文雅故朝士有清望者多歸之

朝直遙翻

與尚書僕射謝混丹陽尹郗僧施深相憑結僧施超之

從子也

郗丑之翻郗超黨於桓溫僧施黨於劉毅超僅免而僧施及禍矣從才用翻

毅既據

上流陰有圖裕之志求兼督交廣二州裕許之毅又奏

以郗僧施為南蠻校尉後軍司馬毛修之為南郡太守

裕亦許之以劉穆之代僧施為丹陽尹毅表求至京口

辭墓裕往會之於倪塘寧遠將軍胡藩言於裕曰公謂

劉衛軍終能為公下乎

毅為衛將軍故稱之

裕默然久之曰卿謂

何如藩曰連百萬之衆攻必取戰必克毅以此服公至



於涉獵傳記

師古曰涉若涉水獵若獵獸言歷覽之不專精也傳直戀翻

一談一詠

自許以為雄豪以是搢紳白面之士輻輳歸之恐終不為公下不如因會取之裕曰吾與毅俱有克復之功其

過未彰不可自相圖也

裕雖以是言答藩陰有以處毅者矣

乞伏熾磐

攻南涼三河太守吳陰于白土克之以乞伏出累代之

水經河水過邯川城南又東逕臨津城北白土城南闕駟十三州志曰左南津西六十里有白土城在大河之北為緣河濟渡之地累力追翻魏收曰白土縣漢屬上郡晉屬金城郡後魏屬新平郡余謂後魏新平之白土乃漢上郡之白土晉金城之白土乃左南西之白土各是一處五代志邠州新平縣舊曰白土此漢上郡及後

魏之白土也南涼之白土當在唐鄯州界

六月乞伏公府弒河南王乾歸

公府國仁之子也以不得位故行弒逆

并殺其諸子十餘人走保大夏

夏戶

雅翻下同

平昌公熾磐遣其弟廣武將軍智達揚武將軍木

奕干帥騎三千討之以其弟曇達為鎮京將軍鎮譚郊

乞伏都譚郊自謂為京師故置鎮京將軍以鎮之帥讀曰率騎奇寄翻下同曇徒含翻

驍騎將軍

婁機鎮苑川

驍堅堯翻

熾磐帥文武及民二萬餘戶遷于枹

罕秦人多勸秦王興乘亂取熾磐興曰伐人喪非禮也

夏王勃勃欲攻熾磐軍師中郎將王買德諫曰熾磐吾

之與國今遭喪亂

喪息郎翻

吾不能恤又恃衆力而伐之匹

夫猶且耻為況萬乘乎

乘繩證翻

勃勃乃止

閏月庚子南

郡烈武公劉道規卒

秋七月己巳朔魏主嗣東巡置

四廂大將十二小將以山陽侯斤元城侯屈行左右丞

相

奚斤封山陽侯拓跋屈封元城侯

庚寅嗣至濡源

濡乃官翻

巡西北諸部

落乞伏智達等擊破乞伏公府於大夏公府奔疊蘭

城就其弟阿柴智達等攻拔之斬阿柴父子五人公府

奔嶮嶺南山

嶮音康嶺音郎

追獲之并其四子輶之於譚郊

輶音

官八月乞伏熾磐自稱大將軍河南王

熾磐乾歸長子

大赦改

元永康葬乾歸于枹罕

枹音膚

諡曰武元廟號高祖 皇

后王氏崩 庚戌魏主嗣還平城

出巡而還也

九月河南

王熾磐以尚書令武始翟勅為相國

勅渠京翻

侍中太子詹

事趙景為御史大夫罷尚書令僕尚書六卿侍中等官

癸酉葬僖皇后于休平陵

劉毅至江陵多變易守

宰輒割豫州文武江州兵力萬餘人以自隨會毅疾篤  
郗僧施等恐毅死其黨危乃勸毅請從弟兖州刺史藩

以自副

從才用  
翻下同

太尉裕偽許之藩自廣陵入朝

朝直  
遙翻

已

郊裕以詔書罪狀毅云與藩及謝混共謀不軌收藩及

混賜死初混與劉毅款昵

款泥  
賢翻

混從兄澹常以為憂

澹  
徒

覽漸與之疎謂弟璞及從子瞻曰益壽此性終當破家

益壽混  
小字也

澹安之孫也庚辰詔大赦以前會稽內史司馬

休之為都督荆雍梁秦寧益六州諸軍事荊州刺史

雍  
於

用北徐州刺史劉道憐為兗青二州刺史鎮京口

北徐  
州刺

史治彭城使道憐鎮京  
口以為建康北藩之重

使豫州刺史諸葛長民監太尉

留府事

監工  
銜翻

裕疑長民難獨任乃加劉穆之建武將軍

置佐吏配給資力以防之

是時裕已有殺  
長民之心矣

壬午裕帥諸

軍發建康參軍王鎮惡請給百舸為前驅

帥讀曰率  
舸古我翻

丙

申至姑孰以鎮惡為振武將軍與龍驤將軍蒯恩將百

舸前發

驤思將翻蒯苦  
怪翻將即亮翻

裕戒之曰若賊可擊擊之不可

者燒其船艦

艦戶  
黯翻

留屯水際以待我於是鎮惡晝夜無

行揚聲言劉兗州上

上時掌翻下  
步上藩上同

冬十月己未鎮惡至

豫章口去江陵城二十里捨船步上蒯恩軍居前鎮惡

次之舸留一二人對舸岸上立六七旗旗下置鼓語所

留人

語牛倨翻下同

計我將至城便鼓嚴令若後有大軍狀

鼓嚴

播鼓也

又分遣人燒江津船艦鎮惡徑前襲城語前軍士

告語在前軍士也

有問者但云劉兗州至津戍及民間皆晏然

不疑未至城五六里逢毅要將朱顯之

要將者所親之將掌兵要者

欲出江津問劉兗州何在軍士曰在後顯之至軍後不

見藩而見軍人擔彭排戰具

彭排即今之旁排所以扞鋒矢孫恂曰櫓彭排釋名

曰彭排軍器也彭旁也在旁排敵禦攻也

望江津船艦已被燒鼓嚴之聲甚

盛知非藩上

上時掌翻

便躍馬馳去告毅行令閉諸城門鎮

惡亦馳進門未及下關軍人因得入城衛軍長史謝純

入參承毅

僚佐省府公謂之參承

出聞兵至左右欲引車歸純叱

之曰我人吏也

言為人吏之吏

逃將安之馳還入府純安兄據

之孫也鎮惡與城內兵鬪且攻其金城

凡城內牙城晉宋時謂之金城

自食時至中晡

日加申為晡中晡正申時也申未為下晡

城內人敗散鎮惡

穴其金城而入遣人以詔及赦文并裕手書示毅毅皆

燒不視與司馬毛修之等督士卒力戰城內人猶未信



裕自來軍士從毅自東來者與臺軍多中表親戚且鬪

且語知裕自來人情離駭逮夜聽事前兵皆散斬毅勇

將趙蔡

將即亮翻

毅左右兵猶閉東西閤拒戰鎮惡慮闇中

自相傷犯乃引軍出圍金城開其南面毅慮南有伏兵

夜半帥左右三百許人

帥讀曰率

開北門突出毛修之謂謝

純曰君但隨僕去純不從為人所殺毅夜投牛牧佛寺

牛牧寺在江陵城北二十里

初桓蔚之敗也

事見一百一十四卷元年蔚紆勿翻

走投

牛牧寺僧昌昌保藏之毅殺昌至是寺僧拒之曰昔亡

師容桓蔚為劉衛軍所殺今實不敢容異人殺歎曰為

法自弊一至於此

史記商君得罪於秦亡至關下投舍客舍人不知其是商君也曰商君之

法舍人無驗者坐之商君歎曰嗟乎為法自弊一至此哉

遂縊而死明日居人以告

乃斬首於市并子姪皆伏誅殺兄模奔襄陽魯宗之斬

送之初殺季父鎮之間居京口不應辟召常謂殺及藩

曰汝輩才器足以得志但恐不久耳我不就爾求財位

亦不同爾受罪累

累力瑞翻

每見殺藩導從到門輒詬之

從才

用翻詬許候翻又古候翻罵也

殺甚敬畏未至宅數百步悉屏儀衛

屏必

鄧與白衣數人俱進及殺死太尉裕奏徵鎮之為散騎

常侍光祿大夫

散悉亶翻  
騎奇寄翻

固辭不至

仇池公楊盛叛

秦

義熙元年盛  
降秦今復叛

侵擾初山秦王興遣建威將軍趙琨為

前鋒立節將軍姚伯壽繼之前將軍姚恢出驚峽

驚音就

秦州刺史姚嵩出羊頭峽右衛將軍胡翼度出汧城以

討盛興自雍赴之

汧苦堅翻  
雍於用翻

與諸將會于隴口

隴道之口也將

即亮

天水太守王松忽言於嵩曰先帝神畧無方徐洛

生以英武佐命再入仇池無功而還

姚萇再攻  
仇池當致

非楊氏

智勇能全也直地執險固耳今以趙琨之衆使君之威

準之先朝實未見成功使君具悉形便何不表聞嵩不

從盛帥衆與琨相持伯壽畏懦不進琨衆寡不敵為盛

所敗

帥讀曰率下同敗補邁翻

興斬伯壽而還興以楊佛嵩為雍州

刺史帥嶺北見兵以擊夏

秦雍州統嶺北五郡治安定見賢遍翻

行數日

興謂羣臣曰佛嵩每見敵勇不自制吾常節其兵不過

五千人今所將既多遇敵必敗行已遠追之無及將若

之何佛嵩與夏王勃勃戰果敗為勃勃所執絕亢而死

亢與亢同  
居郎翻

秦立昭儀齊氏為后 沮渠蒙遜遷于姑

臧 十一月己卯太尉裕至江陵殺郗僧施初毛修之

雖為劉毅僚佐素自結於裕故裕特宥之賜王鎮惡爵

漢壽子裕問毅府諮議參軍申永曰今日何施而可永

曰除其宿釁倍其惠澤貫叙門次

魏晉以來率以門地高下為用人之次第

貫叙者以次叙之若穿錢貫然也

顯擢才能如此而已裕納之下書寬

租省調

調徒弔翻

節役原刑禮辟名士荆人悅之 諸葛長

民驕縱貪侈所為多不法為百姓患常懼太尉裕按之

及劉毅被誅長民謂所親曰昔年醢彭越今年殺韓信

漢薛公之言被皮義翻

禍其至矣乃屏人問劉穆之曰

屏必鄧翻下同

悠

悠之言皆云太尉與我不平何以至此穆之曰公汴流

遠征以老母稚子委節下若一豪不盡

稚直利翻豪古毫字通

豈

容如此邪長民意乃小安長民弟輔國大將軍黎民說

長民曰

說輸蒯翻

劉氏之亡亦諸葛氏之懼也宜因裕未還

而圖之長民猶豫未發既而歎曰貧賤常思富貴富貴

必履危機今日欲為丹徒布衣豈可得邪

長民琅邪陽都人僑居丹

徒因遺冀州刺史劉敬宣書曰盤龍狼戾專恣自取夷

滅遺于季翻劉毅小字盤龍異端將盡世路方夷富貴之事相與共

之敬宣報曰下官自義熙以來忝三州七郡敬宣自北還拜晉陵

太守遷江州鎮尋陽無領郡事徵拜宣城內史領襄城太守遷鎮蠻護軍安豐太守梁國內史又遷青州刺史

尋改冀州常懼福過灾生思避盈居損富貴之旨非所敢當

且使以書呈裕裕曰阿壽故為不負我也敬宣字萬壽故裕稱之曰

阿壽劉穆之憂長民為變屏人問太尉行參軍東海何承

天曰公今行濟否承天曰荊州不憂不時判判決別有

一慮耳公昔年自左里還入石頭甚脫爾

謂破盧循還時也脫爾謂

輕脫而還不為嚴備也

今還宜加重慎穆之曰非君不聞此言裕

在江陵輔國將軍王誕白裕求先下裕曰諸葛長民似

有自疑心卿詎宜便去誕曰長民知我蒙公垂盼今輕

身單下必當以為無虞乃可以少安其意耳裕笑曰卿

勇過賁育矣

賁音覓翻少詩召翻賁音奔

乃聽先還

沮渠蒙遜即

河西王位

沮渠蒙遜臨松盧水胡人也其先世為匈奴左沮渠遂以官為氏

大赦改元

玄始置官僚如涼王光為三河王故事

呂光稱三河王見一百七卷孝



武太元十四年

太尉裕謀伐蜀擇元帥而難其人

帥所以西類翻

以西

陽太守朱齡石既有武幹又練吏職欲用之衆皆以為  
齡石資名尚輕難當重任裕不從十二月以齡石為益  
州刺史帥寧朔將軍臧熹河間太守蒯恩下邳太守劉  
鍾等伐蜀

帥讀曰率

分大軍之半二萬人以配之熹裕之妻

弟位居齡石之右亦隸焉裕與齡石密謀進取曰劉敬

宣往年出黃虎無功而退

事見一百十四卷四年

賊謂我今應從

外水往而料我當出其不意猶從內水來也

庾仲雍曰巴郡江州

縣對二水口右則涪  
內水左則蜀外水

如此必以重兵守涪城以備內道

涪音浮

若向黃虎正墮其計今以大衆自外水取成都疑

兵出內水此制敵之奇也而慮此聲先馳賊審虛實別  
有函書封付齡石署函邊曰至白帝乃開諸軍雖進未

知處分所由

處昌呂翻分扶問翻

毛修之固請行裕恐修之至蜀

必多所誅殺土人與毛氏有嫌亦當以死自固不許

毛以

據之家為蜀人所滅故也

分荊州十部置湘州

成帝咸和三年省湘州入荊州今復

置

加太尉裕太傅揚州牧

丁巳魏主嗣北巡至長

城而還

秦所築  
長城也

九年春二月庚戌魏主嗣如高柳川甲寅還宮 太尉

裕自江陵東還

還從宣翻又  
如字下同

駱驛遣輜重兼行而下

直重

用翻前刻至日每淹留不進諸葛長民與公卿頻日奉候

於新亭輒差其期乙丑晦裕輕舟徑進潛入東府

劉穆之何

承天所慮者裕已  
了了於胷中矣

三月丙寅朔旦長民間之驚趨至門

裕伏壯士丁旡於幔內

旡阮  
古翻

引長民却人閒語凡平生

所不盡者皆及之長民甚悅丁旡自幔後出於座拉殺

之慢莫半翻與尸付廷尉收其弟黎民黎民素驍勇驍

堯翻格鬪而死并殺其季弟大司馬參軍幼民從弟寧朔

將軍秀之

從才用翻

庚午秦王興遣使至魏修好

使疏吏翻好呼

到翻太尉裕上表曰大司馬溫以民無定本傷治為深

庚戌土斷以一其業

庚戌制見一百一卷哀帝興寧二年

于時財阜國豐

實由於此自茲迄今漸用顏弛請申前制于是依界土

斷唯徐兗青三州居晉陵者不在斷例

徐兗青三州郡督率治晉陵故

難以土斷斷丁亂翻

諸流寓郡縣多所併省戊寅加裕豫州刺史

裕固讓太傅州牧

辭去年冬所加也

林邑范胡達寇九真杜

慧度擊斬之

河南王熾磐遣鎮東將軍曇達平東將

軍王松壽將兵東擊休官權小郎呂破胡於白石川

關注

曇徒含翻

大破之虜其男女萬餘口進據白石城顯親

休官權小成呂奴迦等二萬餘戶據

關

阬不服

迦居牙翻

曇

達攻斬之隴右休官悉降秦太尉索稜以隴西降熾磐

七年秦令索稜守隴西以招撫乞伏索普各翻

降戶江翻

熾磐

以稜為太傅

夏王

勃勃大赦改元鳳翔以叱干阿利領將作大匠發嶺北

夷夏十萬人築都城於朔方水北黑水之南

水經注奢延水又謂

之朔方水源出奢延縣西南亦沙阜東北流逕奢延縣故城南赫連於是水之南築統萬城奢延水又東流黑水入焉水出奢延縣黑澗東南歷沙陵注奢延水統萬城唐為夏州定難節度使治所夏戶雅翻勃勃

曰朕方統一天下君臨萬邦宜名新城曰統萬阿利性

巧而殘忍蒸土築城雖入一寸即殺作者而并築之勃

勃以為忠委任之凡造兵器成呈之工人必有死者射

甲不入則斬弓人

射而亦翻

入則斬甲匠又鑄銅為一大鼓

飛廉翁仲銅駝龍虎之屬飾以黃金列於宮殿之前凡殺工匠數千由是器物皆精利勃勃自謂其祖從母姓為劉非禮也

載記曰漢高祖以宗女妻單于冒頓約為兄弟故其子孫冒姓劉氏

古人氏

族無常乃改姓赫連氏言帝王係天為子其徽赫與天

連也其非正統者皆以鐵伐為氏

勃勃父衛辰本鐵弗氏故改其非正統者

為鐵伐氏

言其剛銳如鐵皆堪伐人也

夏四月乙卯魏主

嗣西巡命鄭兵將軍奚斤

鄭兵北史作都兵

鴻飛將軍尉古真

都將閭大肥等擊越勤部於跋那山大肥柔然人也

鴻飛

將軍拓拔氏所創置將即亮翻柔然姓郁久閭氏  
今日閭從省便也跋那山蓋在廣寧郡之塞外

河

南王熾磐遣安北將軍烏地延冠軍將軍翟紹擊吐谷

渾別統句旁于泣勤川大破之

冠古玩翻別統猶別帥也別統部落者也句古

侯翻河西王蒙遜立子政德為世子加鎮衛大將軍錄

尚書事南涼王儁檀伐河西王蒙遜蒙遜敗之於若

厚塢又敗之於若涼

敗補邁翻

因進圍樂都

樂音洛下長樂同

二旬

不克南涼湟河太守文支以郡降於蒙遜

降戶江翻

蒙遜以

文支為廣武太守蒙遜復伐南涼儁檀以太尉俱延為



質乃還

復扶又翻  
質音致

蒙遜西如苕蘿

韋徒弔翻

遣冠軍將軍伏

恩將騎一萬襲卑和烏啼二部大破之

漢有卑和羌  
居鮮水海

俘

二千餘落而還蒙遜寢于新臺閣人王懷祖擊蒙遜傷

足其妻孟氏禽斬之蒙遜母車氏卒

車尺遮翻

五月乙亥

魏主嗣如雲中舊宮

唐單于都護府領金河一縣秦漢之雲中也新書云金河本後魏道

武所都丙子大赦西河胡張外等聚衆為盜乙卯嗣遣會

稽公長樂劉絜等屯西河招討之

按丙子至乙卯幾四十日五月無乙卯明

矣恐是已卯會江外翻

六月嗣如五原

朱齡石等至白帝發

函書曰衆軍悉從外水取成都臧熹從中水取廣漢

水經

注曰洛水出洛縣章山南逕洛縣故城南廣漢郡治也又南逕新都縣與綿水合又與湔水合亦謂之郫江又逕犍為牛鞞水又東逕資中縣謂之綿水綿水至江陽縣方山下入江謂之綿水口曰中水

老弱乘

高艦十餘從內水向黃虎

艦戶點翻

於是諸軍倍道兼行譙

縱果命譙道福將重兵鎮涪城

將即亮翻涪音浮下同

以備內水

齡石至平模去成都二百里縱遣秦州刺史侯暉尚書

僕射譙詵帥衆萬餘屯平模

譵羊孫翻

夾岸築城以拒之齡

石謂劉鍾曰今天時盛熱而賊嚴兵固險攻之未必可

拔祇增疲困且欲養銳息兵以伺其隙何如鍾曰不然  
前揚聲言大衆向內水譙道福不敢捨涪城今重軍猝  
至出其不意侯暉之徒已破膽矣賊阻兵守險者是其  
懼不敢戰也因其兇愬

兇許  
勇翻

盡銳攻之其勢必克克平

摸之後自可鼓行而進成都必不能守矣若緩兵相守  
彼將知人虛實涪軍忽來并力拒我人情既安良將又

集

良將謂譙道  
福將即亮翻

此求戰不獲軍食無資二萬餘人悉為

蜀子虜矣齡石從之諸將以水北城地險兵多欲先攻

其南城齡石曰今屠南城不足以破北若盡銳以拔北

城則南城不麾自散矣秋七月齡石帥諸軍急攻北城

克之斬侯暉譙詵引兵迴趣南城

帥讀曰率趣七喻翻

南城自潰

齡石捨船步進譙縱大將譙撫之屯牛脾

牛脾當作牛鞞孟康曰鞞

音鞞師古曰音必爾翻牛鞞縣自漢以來屬犍為郡何承天曰晉穆帝度屬蜀郡今簡州西岸有古牛鞞戍城

譙小苟塞打鼻

打鼻山在今眉州彭山縣南十餘里山形孤起東臨江水俗云昔周鼎淪於此

或見其鼻故名塞悉則翻

臧熹擊撫之斬之小苟聞之亦潰於是縱

諸營屯望風相次奔潰戊辰縱棄成都出走尚書令馬

耽封府庫以待晉師壬申齡石入成都誅縱同祖之親

餘皆按堵使復其業縱出成都先辭墓其女曰走必不免抵取辱焉等死死於先人之墓可也縱不從譙道福

聞平模不守自涪引兵入赴縱往投之道福見縱怒曰

大丈夫有如此功業而棄之將安歸乎人誰不死何怯

之甚也因投縱以劍中其馬鞍

中竹仲翻

縱乃去自縊死

縊於

賜翻又於計翻

巴西人王志斬其首以送齡石道福謂其衆曰

蜀之存亡實係於我不在譙王今我在猶足一戰衆皆

許諾道福盡散金帛以賜衆衆受之而走道福逃於獠

中

獠魯皓翻

巴民杜瑾執送之斬於軍門

義熙元年譙縱據蜀九年而滅瑾渠

各翻

齡石徙馬耽於越雋

雋音髓

耽謂其徒曰朱侯不送我

京師欲滅口也

謂齡石多取庫物殺耽以滅口

吾必不免乃盥洗而卧

引繩而死須臾齡石使至戮其尸

使疏吏翻

詔以齡石進監

梁秦州六郡諸軍事

監古銜翻

賜爵豐城縣侯

魏奚斤等

破越勤於跋那山西徙二萬餘家於大甯

河西胡曹

龍等擁部衆二萬人來入蒲子張外降之推龍為大單

于

降戶江翻  
單音蟬

丙戌魏主嗣如定襄大洛城

二漢志定襄郡有洛

縣

河南王熾磐擊吐谷渾支旁于長柳川虜旁及其

民五千餘戶而還

八月癸卯魏主嗣還平城

曹龍

請降于魏執送張外斬之丁丑魏主嗣如豺山宮癸未

還

九月再命太尉裕為太傅揚州牧固辭

河南王

熾磐擊吐谷渾別統掘遼於渴渾川大破之虜男女二

萬三千冬十月掘遼帥其餘衆降于熾磐

掘其月翻  
帥讀曰率

吐京胡與離石胡出以春叛魏

水經注曰吐京即漢西  
河土軍縣夷夏俗音訛

也後魏真君九年置吐京郡隋為隰州石樓縣地

魏主嗣命元城侯屈督會稽

公劉絜永安侯魏勤以討之丁巳出以眷引夏兵邀擊

絜禽之以獻于夏勤戰死

會工外翻夏戶雅翻

嗣以屈亡二將

將即

亮翻欲誅之既而赦之使攝并州刺史屈到州縱酒廢事

嗣積其前後罪惡檻車徵還斬之

魏主嗣之入立也屈子磨渾有功焉屈恃

之而驕積其惡而誅之非所以保功臣之門也

十一月魏主嗣遣使請昏於

秦

使疏吏翻

秦王興許之

是歲以敦煌索邈為梁州刺史

敦徒門翻索昔各翻

符宣乃還仇池

符宣入漢中見一

初邈寓居



漢川與別駕姜顯有隙凡十五年而邈鎮漢川顯乃肉

袒迎候邈無愠色

愠於問翻

待之彌厚退而謂人曰我昔寓

此失志多年若讐姜顯懼者不少

少詩治翻

但服之自佳何

必逞志於是闔境聞之皆悅

鞠羨之安東萊亦若是而已世人修怨以致禍者由

不知此道也

十年春正月辛酉魏大赦改元神瑞

辛巳魏主嗣如

繁峙

時音止

二月戊戌還平城

夏王勃勃侵魏河東蒲

子庚戌魏主嗣如豺山宮

魏并州刺史婁伏連襲

殺夏所置吐京護軍及其守兵

魏書官氏志內入諸姓有匹婁氏後改為婁氏

去年夏破拓跋屈因置守兵於吐京

司馬休之在江陵頗得江漢民心

子譙王文思在建康

文思休之之長子也譙王尚之死於桓玄之難帝反正以文思嗣國

性凶暴好通輕俠太尉裕惡之

好呼到翻惡烏路翻

三月有司奏

文思擅捶殺國吏

捶止崇翻

詔誅其黨而宥文思休之上疏

謝罪請解所任不許裕執文思送休之令自訓厲意欲

休之殺之休之但表廢文思并與裕書陳謝裕由是不

悅

為後裕伐休之張本

以江州刺史孟懷玉兼督豫州六郡以脩

之豫州六郡宣城襄城淮南廬江安豐歷陽也

夏五月辛酉魏主嗣還平

城秦後將軍斂成討叛羌為羌所敗遇敗補懼罪出奔

夏秦王興有疾妖賊李弘與氏仇常反於貳城驕妖於

興與疾往討之斬常執弘而還還從宣翻又如字秦左將軍

姚文宗有寵於太子泓廣平公弼惡之惡烏路翻誣文宗有

怨言秦王興怒賜文宗死于是羣臣畏弼側目弼言於

興無不從者以所親天水尹冲為給事黃門侍郎唐盛

為治書侍御史治直之翻下同興左右掌機要者皆其黨也右

僕射梁喜侍中任譙京兆尹尹昭乘間言於興曰父子

之際人所難言然君臣之義不薄於父子

任音士間古見翻父子君

臣皆人之大倫故云然

故臣等不得默然廣平公弼潜有奪嫡之

志陛下寵之太過假其威權傾險無賴之徒輻輳附之

道路皆言陛下將有廢立之計信有之乎興曰豈有此

邪喜等曰苟無之則陛下愛弼適所以禍之願去其左

右

去羗呂翻

損其威權如此非特安弼乃所以安宗廟社稷

興不應大司農竇溫司徒左長史王弼皆密疏勸興立

弼為太子興雖不從亦不責也興疾篤弼潛聚眾數千

人謀作亂姚裕遣使以弼逆狀告諸兄在藩鎮者

使疏吏翻

于是姚懿治兵於蒲阪鎮東將軍豫州牧洸治兵於洛

陽

懿洸皆興子也治直之翻洸姑黃翻

平西將軍湛治兵於雍

湛氏壬翻雍於用翻

皆欲赴長安討弼會興疾瘳

瘳且留翻

見羣臣征虜將軍劉

羌泣以告興梁喜尹昭請誅弼且曰苟陛下不忍殺弼

亦當奪其權任興不得已免弼尚書令使以將軍公還

第

弼為大將軍封廣平公

懿等各罷兵懿洸湛與姚宣皆入朝使

裕入白興求見

朝直遙翻見  
賢遍翻下同

興曰汝等正欲論弼事耳

吾已知之裕曰弼苟有可論陛下所宜垂聽若懿等言

非是便當寘之刑辟

辟毗亦翻

奈何逆拒之于是引見懿等

於諮議堂宣流涕極言興曰吾自處之

處昌呂翻下同

非汝曹

所憂撫軍東曹屬姜虬上疏曰廣平公弼釁成逆著道

路皆知之昔文王之化刑于寡妻

詩思齊曰刑于寡妻至于兄弟今聖

朝之亂起自愛子雖欲含忍掩蔽而逆黨扇惑不已弼

之亂心何由可革宜斥散凶徒以絕禍端興以虬表示

梁喜曰天下人皆以吾兒為口實

孔安國曰口實謂常不去口

將何

以處之喜曰信如虬言陛下宜早裁決興默然

史言姚興不聽

臣子之言養成泓弼爭國之禍

唾契汗乙弗等部皆叛南涼

契欺訖翻汗何

干翻北史曰乙弗國有契翰一部風俗亦同杜佑曰乙弗敵後魏間焉在吐谷渾北衆有萬餘落風俗與吐谷渾同然不識五穀唯食魚與蘇子蘇子狀若中國枸杞子或赤或黑西有契翰一部風俗亦同南梁王

儁檀欲討之邯川護軍孟愷諫曰

邯川甘翻

今連年饑饉南

逼熾磐北逼蒙遜百姓不安遠征雖克必有後患不如

與熾磐結盟通糴慰撫雜部足食繕兵候時而動儁檀

不從謂太子虎臺曰蒙遜近去不能猝來旦夕所慮唯

在熾磐然熾磐兵少易禦汝謹守樂都

少詩治翻易以鼓翻樂音洛下

同

吾不過一月必還矣乃帥騎七千襲乙弗

帥讀曰率騎奇寄翻

大破之獲馬牛羊四十餘萬河南王熾磐聞之欲襲樂

都羣臣咸以為不可太府主簿焦襲曰倭檀不顧近患

而貪遠利

近患謂蒙遜熾磐遠利謂乙弗

我今伐之絕其西路

樂都之西路此

倭檀自乙弗還樂都路也

使不得還救則虎臺獨守窮城可坐禽也

此天亡之時必不可失熾磐從之帥步騎二萬襲樂都



虎臺憑城拒守熾磐四面攻之南涼撫軍從事中郎尉

肅言於虎臺曰外城廣大難守殿下不如聚國人守內

城國人謂鮮卑禿髮之種落

肅等帥晉人拒戰於外雖有不捷猶足

自存虎臺曰熾磐小賊旦夕當走卿何過慮之深虎臺

疑晉人有異心

夷人謂華人為晉人

悉召豪望有謀勇者閉之於

內益愷泣曰熾磐乘虛內侮國家危於累卵愷等進欲

報恩退顧妻子人思效死而殿下乃疑之如是邪虎臺

曰吾豈不知君之忠篤懼餘人脫生慮表以君等安之

耳一夕城潰熾磐入樂都遣平遠將軍掇虔帥騎五千

追儋檀以鎮南將軍譙屯為都督河右諸軍事涼州刺

史鎮樂都

掇虔譙屯皆乞伏種

禿髮赴單為西平太守鎮西平以

趙恢為廣武太守鎮廣武曜武將軍王基為晉興太守

鎮浩亶

浩亶音告門

徙虎臺及其文武百姓萬餘戶于抱罕

抱音赴單烏孤之子也

河間人褚匡言於燕王跋曰

陛下龍飛遼碣舊邦族黨傾首朝陽

言日生於東猶馮跋興於遼碣也其

族黨在長樂者傾首而東望之碣其謁翻以日為歲請往迎之跋曰道路數

千里復隔異國如何可致

復扶又翻

匡曰章武臨海

跋之先長樂信

都人而章武郡則晉分漢勃海郡所置也自信都至章武可以浮海至遼西

舟楫可通出於

遼西臨渝不為難也

臨渝縣漢屬遼西郡師古曰渝音喻水經曰碣石在縣南

跋許

之以匡為遊擊將軍中書侍郎厚資遣之匡與跋從兄

買從弟睹

從才用翻

自長樂帥五千餘戶歸於和龍

漢高帝置信都

郡景帝二年為廣川國明帝更名樂成安帝改曰安平晉改曰長樂樂音洛帥讀曰率

契丹庫莫

奚皆降于燕

契欺訖翻又音喫降戶江翻

跋署其大人為歸善王跋

弟丕避亂在高句麗

句如字又音駒麗力知翻

跋召之以為左僕射

封常山公

柔然可汗斛律將嫁女於燕

可從刊入聲汗音寒

斛

律兄子步鹿真謂斛律曰幼女遠嫁憂思請以大臣樹

黎等女為媵

證翻以

斛律不許步鹿真出謂樹黎等曰斛

律欲以汝女為媵遠適它國樹黎恐與步鹿真謀使勇

士夜伏於斛律穹廬之後伺其出而執之與女皆送於

燕

伺相更翻

立步鹿真為可汗而相之

相息亮翻

初社崙之徙高

車也

事見一百十二卷元興元年崙盧昆翻

高車人叱洛侯為之鄉導以

併諸部

鄉讀曰嚮

社崙德之以為大人步鹿真與社崙之子

社拔共至叱洛侯家淫其少妻妻告步鹿真曰叱洛侯  
欲奉大檀為主大檀者社崙季父僕渾之子也領別部  
鎮西境素得衆心步鹿真歸而發兵圍叱洛侯叱洛侯  
自殺遂引兵襲大檀大檀逆擊破之執步鹿真及社拔  
殺之自立為可汗號牟汗紇升蓋可汗

魏收曰魏言制勝也

斛律

至和龍燕王跋賜斛律爵上谷侯館之遼東待以客禮  
納其女為昭儀斛律上書請還其國跋曰今棄國萬里  
又無內應若以重兵相送則饋運難繼兵少則不足成

功

少詩  
洛翻

如何可還斛律固請曰不煩重兵願給三百騎

送至敕勒國人必欣然來迎跋乃遣單于前輔萬陵帥

騎三百送之

騎奇寄翻單音蟬  
帥讀曰率下同

陵憚遠役至黑山

黑山  
在唐

振武之北塞外  
即殺胡山也

殺斛律而還大檀亦遣使獻馬三千匹

羊萬口于燕

使疏  
吏翻

六月泰山太守劉研等帥流民七

千餘家河西胡酋劉遮等帥部落萬餘家皆降於魏

酋  
慈

由翻降  
戶江翻

戊申魏主嗣如豺山宮丁亥還平城樂都

之潰也南涼安西將軍樊尼自西平奔告南涼王儁檀

傳檀謂其衆曰今妻子皆為熾磐所虜退無所歸卿等  
能與吾藉乙弗之資取契汗以贖妻子乎

契欺訖翻  
汗音寒

乃

引兵西衆多逃還傳檀遣鎮北將軍段苟追之苟亦不

還於是將士皆散唯樊尼與中軍將軍紇勃後軍將軍

洛肱散騎侍郎陰利鹿不去

散悉豆翻  
騎奇寄翻

傳檀曰蒙遜熾

磐昔皆委質於吾

蒙遜稱臣於利鹿孤見一百一十二  
卷隆安五年熾磐父子歸利鹿孤見

一百一十一卷  
四年質之日翻

今而歸之不亦鄙乎四海之廣無所容

身何其痛也與其聚而同死不若分而或全樊尼吾長

兄之子

樊尼蓋烏孤之子也長知兩翻

宗部所寄吾衆在北者戶垂一

萬蒙遜方招懷士民存亡繼絕汝其從之紇勃洛肱亦

與尼俱行

紇戶骨翻

吾年老矣所適不容寧見妻子而死遂

歸于熾磐惟陰利鹿隨之僣檀謂利鹿曰吾親屬皆散

卿何獨留利鹿曰臣老母在家非不思歸然委質為臣

忠孝之道難以兩全臣不才能為陛下泣血求救於

鄰國

為于偽翻

敢離左右乎

離力智翻

僣檀歎曰知人固未易

以易

翻大臣親戚皆弃我去今日忠義終始不虧者惟卿一



人而已僇檀諸城皆降於熾磐

降戶江翻

獨尉賢政屯浩疊

浩疊音告門

固守不下熾磐遣人謂之曰樂都已潰卿妻子

皆在吾所獨守一城將何為也賢政曰受涼王厚恩為

國藩屏

屏必郢翻

雖知樂都已陷妻子為禽先歸獲賞後順

受誅然不知主上存亡

主上謂僇檀也

未敢歸命妻子小事豈

足動心若貪一時之利忘委付之重者大王亦安用之

熾磐乃遣虎臺以手書諭之賢政曰汝為諸副不能盡

節面縛於人棄父忘君墮萬世之業

墮讀日墮

賢政義士豈

效汝乎聞僂檀至左南乃降

闕駟十三州志曰左南城在金城白土縣東六十里

晉志張氏置晉興郡左南縣屬焉是縣蓋亦張氏所置也

熾磐聞僂檀至遣使郊迎

待以上賓之禮

使疏吏翻

秋七月熾磐以僂檀為驃騎大將

軍賜爵左南公

驃匹妙翻騎奇寄翻

南涼文武依才銓叙歲餘熾

磐使人鵠僂檀左右請解之僂檀曰吾病豈宜療邪遂

死諡曰景王

載記曰禿髮烏孤至僂檀三世十九年而滅

虎臺亦為熾磐所

殺僂檀子保周賀俱延子覆龍利鹿孤孫副周烏孤孫

承鉢皆奔河西王蒙遜久之又奔魏魏以保周為張掖

王覆龍為酒泉公賀西平公副周永平公承鉢昌松公

魏主嗣愛賀之才謂曰卿之先與朕同源賜姓源氏

為源

氏昌大於  
魏張本

八月戊子魏主嗣遣馬邑侯陋孫使於秦

辛丑遣謁者于什門使於燕悅力延使於柔然

使疏  
吏翻

于

什門至和龍不肯入見曰大魏皇帝有詔須馮王出受

然後敢入燕王跋使人牽逼令入什門見跋不拜跋使

人按其項什門曰馮王拜受詔吾自以賓主致敬何苦

見逼邪跋怒留什門不遣什門數衆辱之左右請殺之

跋曰彼各為其主耳

數所角翻  
為于偽翻

乃幽執什門欲降之什

門終不降

降戶江翻

久之衣冠弊壞略盡蟻蝨流溢跋遺之

衣冠

遺于季翻

什門皆不受

魏主嗣以博士王諒為平南

參軍使以平南將軍相州刺史尉太真書與太尉裕相

聞太真古真之弟也 九月丁巳朔日有食之 冬十

月河南王熾磐復稱秦王置百官

熾磐嗣位自稱河南王今併南涼復稱秦

王 燕主跋與夏連和夏王勃勃遣御史中丞烏洛孤

如燕泣盟

春秋之時列國釋仇通好兩君不及相見而盟必使其臣泣盟左傳陳五父如鄭泣盟是

也杜預曰  
泣臨也

十一月壬午魏主嗣遣使者巡行諸州

行下

孟校閱守宰資財

守式又翻

非家所齎悉簿為贓西秦王

熾磐立妃禿髮氏為后

妃僂檀之女也

十二月丙戌朔柔然

可汗大檀侵魏丙申魏主嗣北擊之大檀走遣奚斤等

追之遇大雪士卒凍死及墮指者什二三河內人司

馬順宰自稱晉王魏人討之不克燕遼西公素弗卒

燕主跋比葬七臨之

古者大臣卒君三臨其喪比必寐翻及也

是歲司馬

國璠兄弟聚眾數百潛渡淮夜入廣陵城

祇傳曰自北徐州界渡淮

瑤字表翻

青州刺史檀祗領廣陵相國璠兵直上聽事

上時掌翻

聽讀作廳

祗驚出將禦之被射傷而入

射而亦翻

謂左右曰賊乘

闇得入欲掩我不備但擊五鼓彼懼曉必走矣左右如

其言國璠兵果走

國璠之擾淮至是十年矣

魏博士祭酒崔浩為

魏主嗣講易及洪範

為于偽翻

嗣因問浩天文術數浩占決

多驗由是有寵凡軍國密謀皆預之夏王勃勃立夫

人梁氏為王后子瑁為太子

瑁古回翻

封子延為陽平公昌

為太原公倫為酒泉公定為平原公滿為河南公安為

中山公

資治通鑑卷一百一十六



欽定四庫全書薈要卷七千一百三

史部

資治通鑑卷一百一十七 宋 司馬光 撰

胡三省 音註

晉紀三十九

起旃蒙單閼盡桑  
兆執徐凡三年

安皇帝壬

義熙十一年春正月丙辰魏主嗣還平城

至自伐  
桑然也

太

尉裕收司馬休之次子文寶兄子文祖竝賜死發兵擊  
之詔加裕黃鉞領荊州刺史庚午大赦 丁丑以吏部

尚書謝裕為尚書左僕射 辛巳太尉裕發建康以中

軍將軍劉道憐監留府事

監工  
銜翻

劉穆之兼右僕射事無

大小皆決於穆之又以高陽內史劉鍾領石頭戍事屯

冶亭

冶亭今謂之東冶亭在半山寺後自建康東門往  
蔣山至此半道因以為名王安石詩遙望鍾山岑

因知冶城路陸游曰今  
天慶觀在冶城山之麓

休之府司馬張裕南平太守檀

範之間之皆逃歸建康

守式  
又翻

裕邵之兄也

張邵見一百  
十五卷五年

雍州刺史魯宗之自疑不為太尉裕所容

雍於  
用翻

與其子

竟陵太守軌起兵應休之二月休之上表罪狀裕勒兵

拒之裕密書招休之府錄事參軍南陽韓延之延之復

書曰承親帥戎馬遠履西畿

周禮王畿千里之外曰侯畿甸畿男畿采畿衛畿蠻

畿夷畿鎮畿蕃畿謂之畿者責以共王稅貢為職韓延之以荆楚為西畿取此義帥讀曰率

闔境士

庶莫不惶駭辱疏知以譙王前事良增歎息司馬平西

體國忠貞

休之為平西將軍故稱之

款懷待物以公有匡復之勲家

國蒙賴推德委誠每事詢仰譙王往以微事見劾猶自

表遜位

事見上卷上年劾戶槩翻又戶得翻

况以大過而當嘿然邪前已

表奏廢之所不盡者命耳推寄相與正當如此

推寄謂推心置

人腹中也而遽興兵甲所謂欲加之罪其無辭乎

左傳晉大夫里克之

言劉裕足下海內之人誰不見足下此心而復欲欺誑

國士

誑居况翻

來示云處懷期物自有由來

復扶又翻處昌呂翻下同

今

伐人之君啗人以利真可謂處懷期物自有由來者乎

啗土濫翻又土覽翻

劉藩死於閭闔之門諸葛斃於左右之手

劉藩

事見上卷八年諸葛事見九年

甘言詫方伯襲之以輕兵

謂襲劉毅也事見上卷八

年說丑亞翻

遂使席上靡款懷之士閭外無自信之侯以是

為得算良可耻也貴府將佐及朝廷賢德寄命過日

將即

亮翻朝  
直遙翻

吾誠鄙劣嘗聞道於君子以平西之至德寧可

無授命之臣乎必未能自投虎口比迹郝僧施之徒明

矣

郝僧施事見上卷  
八年郝丑之翻

假令天長喪亂九流渾濁

太史談  
序九流

班固曰儒家者流蓋出於司徒之官助人君順陰陽明  
教化者也道家者流蓋出於史官歷紀成敗禍福古今  
之道此人君南面之術也法家者流蓋出於理官信賞  
必罰以輔禮制陰陽家者流蓋出於義和之官敬順昊  
天歷象日月星辰名家者流蓋出於禮官古者名位不  
同禮亦異數孔子曰必也正名乎墨家者流蓋出於清  
廟之守茅屋采椽是以貴儉養三老五更是以兼愛選  
士大射是以尚賢宗祀嚴父是以右鬼從橫家者流蓋  
出于行人之官雜家者流蓋出于議官農家者流蓋出  
于農稷之官皆六經之支與流裔有益於治道而不能

無弊使其渾濁則無所取

表矣長知兩翻喪息浪翻

當與臧洪遊於地下

臧洪事見六十

一卷漢獻帝

與平二年不復多言

復扶又翻

裕視書歎息以示將佐曰

事人當如此矣延之以裕父名翹字顯宗乃更其字曰

顯宗

更工衡翻

名其子曰翹以示不臣劉氏

瑯邪太守劉

朗帥二千餘家降魏

帥讀曰率降戶江翻

庚子河西胡劉雲等

帥數萬戶降魏

太尉裕使參軍檀道濟朱超石將步

騎出襄陽

將即亮翻騎奇寄翻

超石齡石之弟也江夏太守劉虔

之將兵屯三連

夏戶雅翻

立橋聚糧以待道濟等積日不至

魯軌襲擊虔之殺之裕使其壻振威將軍東海徐逵之

統參軍蒯恩王允之沈淵子為前鋒出江夏口

水經江水過江

陵城南又東至華容縣西夏水出焉又東過公安縣北又東左合子夏口註云江水左迤北出通于夏水故曰

子夏也蒯苦怪翻

逵之等與魯軌戰於破冢兵敗逵之允之淵

子皆死獨蒯恩勒兵不動

蒯苦怪翻

軌乘勝力攻之不能克

乃退淵子林子之兄也裕軍於馬頭

據水經注馬頭岸在大江之南北對

江陵之江津

聞逵之死怒甚三月壬午帥諸將濟江魯軌司

馬文思將休之兵四萬臨峭岸置陳

峭七笑翻陳讀曰陣

軍士無

能登者裕自被甲欲登

被皮義翻

諸將諫不從怒愈甚太尉

主簿謝晦前抱持裕裕抽劔指晦曰我斬卿晦曰天下

可無晦不可無公

此裕所謂晦顯識機變者也

建武將軍胡藩領遊

兵在江津裕呼藩使登藩有疑色裕命左右錄來欲斬

之

錄收也

藩顧曰正欲擊賊不得奉教乃以刀頭穿岸劣

容足指騰之而上

劣少也上時掌翻

隨之者稍多既登岸直前

力戰休之兵不能當稍引却

當胡藩之初登也精騎數十可以制之休之之兵不

動故得以直前力戰又人心素裕兵因而乘之休之兵懾服裕故藩既進而不能當也



大潰遂克江陵休之宗之俱北走軌留石城裕命閬中侯下邳趙倫之太尉參軍沈林子攻之遣武陵內史王鎮惡以舟師追休之等有羣盜數百夜襲冶亭京師震駭劉鍾討平之 秦廣平公弼譖姚宣於秦王興

去年宣入

朝力言弼罪弼銜而譖之

宣司馬權不至長安興責以不能輔導將

誅之不懼誣宣罪惡以求自免興怒遣使就杏城收宣

下獄命弼將三萬人鎮秦州

下邳掾翻將即亮翻

尹昭曰廣平公

與皇太子不平今握彊兵於外陛下一旦不諱社稷必

危小不忍亂大謀

論語載孔子之言

陛下之謂也興不從夏

王勃勃攻秦杏城拔之執守將姚逵阡士卒二萬人秦

王興如北地遣廣平公弼及輔國將軍斂曼嵬向新平

興還長安河西王蒙遜攻西秦廣武郡拔之西秦王

熾磐遣將軍乞伏雕尼寅邀蒙遜於浩亶蒙遜擊斬之

浩亶音

告門又遣將軍折斐等帥騎一萬據勒姐嶺

闕駟志金城安

夷縣東有勒姐河與金城河合勒姐嶺蓋勒姐河所出之山也漢時勒姐羌居之因以為名姐子也翻又音紫

蒙遜擊禽之

河西饑胡相聚於上黨推胡人白亞栗

斯為單于

單音蟬

改元建平以司馬順宰為謀主

順宰起兵見上

卷二 冠魏河內夏四月魏主嗣命公孫表等五將討之

將即亮

翻下同

青冀二州刺史劉敬宣參軍司馬道賜宗室

之疏屬也聞太尉裕攻司馬休之道賜與同府辟閭道

秀

道賜與道秀俱為敬宣僚屬故曰同府

左右小將王猛子謀殺敬宣據

廣固以應休之乙卯敬宣召道秀屏人語

屏必郢翻

左右悉

出戶猛子逡巡在後取敬宣脩身刀殺敬宣文武佐吏

即時討道賜等皆斬之 己卯魏主嗣北巡 西秦王

熾磐子元基自長安逃歸

元基蓋從熾磐入秦以朝因留長安

熾磐以為

尚書左僕射

五月丁亥魏主嗣如大寧

趙倫之沈

林子破魯軌於石城司馬休之魯宗之救之不及遂與

軌奔襄陽宗之參軍李應之閉門不納甲午休之宗之

軌及譙王文思新蔡王道賜

此又一司馬王道賜也新蔡王晃以武陵王晞事廢後

以道賜襲爵

梁州刺史馬敬南陽太守魯範俱奔秦宗之素

得士民心爭為之衛送出境王鎮惡等追之盡境而還

不敢窮兵追之懼出境而遇伏也

初休之等求救於秦魏秦征虜將軍

姚成王及司馬國璠引兵至南陽

璠字表翻

魏長孫嵩至河

東間休之等敗皆引還休之至長安秦王興以為揚州

刺史使侵擾襄陽侍御史唐盛言於興曰據符讖之文

司馬氏當復得河洛

讖楚譜翻

今使休之擅兵於外猶縱魚

於淵也不如以高爵厚禮留之京師興曰昔文王卒免

美里

紂囚文王於美里既而釋之復扶又翻卒子恤翻

高祖不斃鴻門

見九卷漢高祖

元苟天命所在誰能違之脫如符讖之言留之適足為

害遂遣之

史言姚興知命

詔加太尉裕太傅揚州牧劔履上

殿入朝不趨贊拜不名

朝直遙翻

以充青二州刺史劉道憐

為都督荆湘益秦寧梁雍七州諸軍事驃騎將軍荊州

刺史

雍於用翻驃匹妙翻騎奇寄翻

道憐貪鄙無才能裕以中軍長史

晉陵太守謝方明為驃騎長史南郡相道憐府中衆事

皆諮決於方明方明冲之子也

謝冲奕之從子方明裕之從祖弟也

益

州刺史朱齡石遣使詣河西王蒙遜

使疏

史翻

諭以朝廷威

德蒙遜遣舍人黃迅詣齡石且上表言伏聞車騎將軍

裕欲清中原願為右翼驅除戎虜

夏王勃勃遣御史

中丞烏洛孤與蒙遜結盟蒙遜遣其弟湟河太守漢平

泣盟于夏

夏戶雅翻

西秦王熾磐率衆三萬襲湟河沮渠

漢平拒之遣司馬隗仁夜出擊熾磐破之

沮子余翻隗三罪翻熾昌

志翻熾磐將引去漢平長史焦昶將軍段景潛召熾磐熾

磐復攻之

昶丑兩翻復扶又翻

昶景因說漢平出降

說輸芮翻降戶江翻下同

仁勒壯士百餘據南門樓三日不下力屈為熾磐所禽

熾磐欲斬之散騎常侍武威段暉諫曰仁臨難不畏死

散悉亶翻騎奇寄翻難乃旦翻

忠臣也宜宥之以厲事君乃囚之熾磐

以左衛將軍匹達為湟河太守擊乙弗窟乾降其三千

餘戶而歸以尚書右僕射出連虔為都督嶺北諸軍事

嶺北洪地

涼州刺史以涼州刺史謙屯為鎮軍大將軍

嶺北也

河州牧隗仁在西秦五年段暉又為之請

史書武威段暉以別南燕

之段暉也又為于偽翻

熾磐免之使還姑臧

戊午魏主嗣行如

濡源遂至上谷涿鹿廣寧

涿鹿縣漢屬上谷郡晉分屬廣寧郡魏土地記下洛東縣

南六十里有涿鹿城西北百三十里有大寧城即漢廣寧縣也蓋在唐媯州界濡乃官翻

秋七月

癸未還平城

西秦王熾磐以秦州刺史曇達為尚書



令曇徒光祿勳王松壽為秦州刺史 辛亥晦日有食

之 八月甲子太尉裕還建康固辭太傅州牧其餘受

命以豫章公世子義符為兗州刺史 丁未謝裕卒以

劉穆之為左僕射 九月己亥大赦 魏比歲霜旱毗比

至雲代之民多饑死雲代雲中代郡二郡之地太史令王亮蘇坦言

於魏主嗣曰案讖書魏當都鄴可得豐樂樂音洛嗣以問

羣臣博士祭酒崔浩特進京兆周澹曰澹徒覽翻遷都於鄴

可以救今年之饑非久長之計也山東之人以國家居

廣漢之地

廣漢據北史崔浩傳作廣漢當從之漢大也

謂其民畜無涯號曰

牛毛之衆今留兵守舊都

謂平城也

分家南徙不能滿諸州

之地參居郡縣情見事露

見賢遍翻

恐四方皆有輕侮之心

且百姓不便水土疾疫死傷者必多又舊都守兵既少

少詩沼翻下同

屈丐柔然將有窺窬之心舉國而來雲中平城

必危朝廷隔恒代千里之險

自恒山至代有飛狐之口倒馬之關夏屋廣昌五迴

之難以赴救此則聲實俱損也今居北方假令山東有

變我輕騎南下布葭林薄之間

騎奇寄翻葭胡故翻郭璞曰布葭猶布露也毛

晃曰布獲流散也草叢生曰薄孰能知其多少百姓望塵懾服此國家

所以威制諸夏也

懾之涉翻夏戶雅翻

來春草生漣酪將出

漣觀勇翻

又多貢翻乳汁也酪歷各翻乳漿也西漢太僕屬官有  
桐馬應劭曰主乳馬取其汁桐治之味酢可飲因以名  
官如淳曰主乳馬以韋草為夾兜受數斗盛馬乳桐取  
其上肥因名桐馬今梁州名馬酪為馬酒師古曰桐音  
翻徒乳無以菜果得及秋熟則事濟矣嗣曰今倉廩空竭

既無以待來秋若來秋又饑將若之何對曰宜簡饑貧

之戶使就食山東若來秋復饑當更圖之

復扶又翻

但方今

不可遷都耳嗣悅曰惟二人與朕意同乃簡國人尤貧

者詣山東三州就食

拓跋氏起于漠北統國三十六姓九十九道武既併中原徙其豪傑

于雲代與北人雜居以其北來部落為國人山東三州定相冀也

遣左部尚書代人周

幾帥眾鎮魯口以安集之

魏初四方四維置八部大人分東西南北左右前後後又

置八部尚書魏書官氏志拓跋鄰以次兄為普氏後嗣改為周氏蓋魏建代都周幾遂為代人帥讀曰率

躬耕籍田且命有司勸課農桑明年大熟民遂富安

夏赫連建將兵擊秦執平涼太守姚軍都

將即亮翻

遂入新

平廣平公弼與戰於龍尾堡

劉昫地理志鳳翔府岐山縣唐武德七年移治龍尾

城禽之秦王興藥動廣平公弼稱疾不朝

朝直遙翻

聚兵

於策興聞之怒收弼黨唐盛孫玄等殺之太子泓請曰

臣不肖不能緝諧兄弟

緝當作輯

使至於此皆臣之罪也若

臣死而國家安願賜臣死若陛下不忍殺臣乞退就藩

興惻然憫之名姚讚梁喜尹昭斂曼鬼與之謀囚弼將

殺之窮治黨與

鬼五回翻  
治直之翻

泓流涕固請乃并其黨赦之

泓待弼如初無忿恨之色

魏太史奏熒惑在匏瓜中

據晉書天文志匏瓜在天津之南天漢分流夾之張淵  
觀象賦注曰匏瓜五星在麗珠北天津九星在匏瓜北

忽亡不知所在於法當入危亡之國先為童謠妖言然

後行其禍罰

法謂推占之常法妖於驕翻

魏主嗣召名儒十餘人使

與太史議熒惑所詣崔浩對曰按春秋左氏傳神降于

莘以其至之日推知其物

浩蓋據春秋左氏外傳也外傳曰周惠王十五年有神降

于莘王問于內史過對曰其丹朱乎王曰其誰受之對曰在虢土王曰虢其幾何對曰昔堯臨民以五令其胃見神之見也不過其物若由是觀之庚午之夕辛未之

不過五年十九年晉取虢傳直戀翻

朝天有陰雲熒惑之亡當在二日庚之與午皆主於秦

辛為西夷

晉書天文志自東井十六度至柳八度為鶉首於辰在未秦之分野自柳九度至張十二

度為鶉火於辰在午周之分野時姚秦無有關洛之地故云皆主於秦庚辛西方也故為西夷今姚興

據長安熒惑必入秦矣衆皆怒曰天上失星人間安知

所詣浩笑而不應後八十餘日熒惑出東井留守句已

久之乃去

新唐書天文志曰去而復來是謂句已晉書天文志曰熒惑為亂為賊為疾為喪為饑為

兵所居國受殃環繞鉤已芒角動搖變色乍前乍後乍左乍右其殃愈甚句讀曰鉤鉤已謂環繞而行如鉤又

成已秦大旱昆明池竭童謠訛言

徒歌謂之謠

國人不安間

一歲而秦亡衆乃服浩之精妙冬十月壬子秦王興

使散騎常侍姚敞等送其女西平公主于魏

散悉亶翻騎奇寄翻

下魏主嗣以後禮納之鑄金人不成

魏立嗣立后皆鑄金人以卜之

乃

以為夫人而寵遇甚厚

辛酉魏主嗣如沮如城

沮將  
豫翻

如昌度翻沮如漸濕之地北方地高燥此城蓋以下濕而得名

癸亥還平城十一月丁

亥復如豺山宮

復扶  
又翻

庚子還

西秦王熾磐遣襄武侯

曇達等將騎一萬擊南羌彌姐康薄于赤水降之

水經  
注亦

亭水出南安郡東山赤谷西流逕城北南入渭水以王曇徒含翻將即亮翻姐子也翻又音紫降戶江翻

孟保為略陽太守鎮赤水

燕尚書令孫護之弟伯仁

為昌黎尹與其弟叱支乙拔皆有才勇從燕王跋起兵

有功

謂殺慕容熙時也事見一百十四卷三年

求開府不得有怨言跋皆殺



之進護開府儀同三司錄尚書事以慰其心護快快不

悅跋酖殺之

快於兩翻

遼東太守務銀提自以有功出為邊

郡怨望謀外叛跋亦殺之

萬泥乳陳既死孫護兄弟及務銀提又誅馮跋亦少恩矣

林邑寇交州州將擊敗之

將即亮翻敗補邁翻

十二年春正月甲申魏主嗣如豺山宮戊子還平城

加太尉裕兖州刺史都督南秦州凡都督二十二州

十二

二州徐南徐豫南豫兖南兖青冀幽并司郢荆江湘雍梁益寧交廣南秦也

以世子義符為

豫州刺史

秦王興使魯宗之將兵寇襄陽未至而卒

卒子

其子軌引兵入寇雍州刺史趙倫之擊敗之

雍於用翻

敗補

西秦王熾磐攻秦洮陽公彭利和於强川

洮土刀翻

强其

沮渠蒙遜攻石泉以救之熾磐至沓中引還二月

熾磐遣襄武侯曇達救石泉

曇徒含翻

蒙遜亦引去蒙遜遂

與熾磐結和親

自熾磐滅禿髮氏與蒙遜為鄰敵歲歲交兵令乃結和

秦王興

如華陰使太子泓監國

華戶化翻監工銜翻

入居西宮

太子居東宮西宮秦

王所

興疾篤還長安黃門侍郎尹冲謀因泓出迎而殺

之興至泓將出迎宮臣諫曰

凡東宮官屬皆曰宮臣

主上疾篤姦

臣在側

姦臣謂尹冲等

殿下今出進不得見主上退有不測之

禍泓曰臣子聞君父疾篤而端居不出何以自安對曰

全身以安社稷孝之大者也泓乃止尚書姚沙彌謂尹

冲曰太子不出迎宜奉乘輿幸廣平公第宿衛將士聞

乘輿所在自當來集

乘繩證翻將即亮翻

太子誰與守乎且吾屬

以廣平公之故已陷名逆節將何所自容今奉乘輿以

舉事乃杖大順不惟救廣平之禍吾屬前罪亦盡雪矣

杖仗同 冲以興死生未可知欲隨興入宮作亂不用沙彌

之言興入宮命太子泓錄尚書事東平公紹及右衛將

軍胡翼度典兵禁中防制內外

紹興之弟也

遣殿中上將軍

斂曼嵬收弼第中甲仗內之武庫

晉置殿中將軍姚秦復有殿中上將軍使

統殿中諸主帥

興疾轉篤其妹南安長公主問疾不應

長知兩翻

子耕兒出告其兄南陽公愔曰上已崩矣宜速決計愔

即與尹冲帥甲士攻端門

愔於今翻帥讀曰率

斂曼嵬胡翼度等

勒兵閉門拒戰愔等遣壯士登門緣屋而入及於馬道

泓侍疾在諮議堂太子右衛率姚和都率東宮兵入屯

馬道南愔等不得進遂燒端門興力疾臨前殿賜弼死  
禁兵見興喜躍爭進赴賊賊衆驚擾和都以東宮兵自  
後擊之愔等大敗愔逃于驪山其黨建康公呂隆犇雍  
雍於尹冲及弟泓來犇興引東平公紹及姚讚梁喜尹  
用翻

昭歛曼嵬入內寢受遺詔輔政明日興卒

年五十一  
考異曰晉本

紀三十國晉春秋皆云義熙十一年二月姚興卒魏本  
紀北史本紀姚興姚泓載記皆云十二年按後魏書崔  
鴻傳太祖天興二年姚興改號鴻以為元年故晉本紀  
三十國晉春秋凡弘始後事皆在前一年由鴻之誤也  
泓祕不發喪捕南陽公愔及呂隆大將軍尹元等皆誅

之乃發喪即皇帝位

泓字元子興之長子也

大赦改元永和泓命

齊公恢殺安定太守呂超

隆超兄弟也皆黨於弼齊公恢時鎮安定

恢猶豫

久之乃殺之泓疑恢有貳心恢由是懼陰聚兵謀作亂

為後姚恢舉兵張本

泓葬興于偶陵謚曰文桓皇帝廟號高祖初

興徙李閏羌三千戶於安定興卒羌酋党容叛

孫恂曰党本去

聲今為上聲本出西羌姚秦有將軍党耐虎自云夏后氏之後為羌豪酋慈由翻下同党底朗翻

泓遣

撫軍將軍姚讚討降之

降戶江翻

徙其酋豪于長安餘遣還

李閏北地太守毛雍據趙氏塢以叛

趙氏塢孝武太元九年秦主堅擊後

秦所屯之地

東平公紹討禽之時姚宣鎮李閏參軍韋宗聞

毛雍叛說宣曰主上新立威德未著國家之難未可量

也

難乃旦翻

殿下不可不為深慮邢望險要宜徙據之此霸

王之資也宣從之帥戶三萬八千棄李閏南保邢望

帥讀

曰諸羌據李閏以叛東平公紹進討破之宣詣紹歸罪

紹殺之 二月加太尉裕中外大都督裕戒嚴將伐秦

詔加裕領司豫二州刺史以其世子義符為徐兗二州

刺史琅邪王德文請啓行戎路

詩曰元戎十乘以啓行行戶剛翻

敬修

山陵詔許之 夏四月壬子魏大赦改元泰常 西秦

襄武侯曇達等擊秦秦州刺史姚弋於上邽破之徙其

民五千餘戶於枹罕 曇徒含翻 枹音膚 五月癸巳加太尉裕

領北雍州刺史

晉初置雍州於長安永嘉之亂沒於劉石苻秦之亂雍州流民南出樊沔孝武

始于襄陽僑立雍州今裕欲取長安故領北雍州刺史以別襄陽之雍州也雍於用翻下同

六月

丁巳魏主嗣北巡 并州胡數萬落叛秦入于平陽推

匈奴曹弘為大單于

弘蓋匈奴右賢王曹轅子寅之後所謂東曹者也單音蟬

攻立

義將軍姚成都於匈奴堡

此匈奴種落相率保聚之地因以為名

征東將



軍姚懿自蒲坂討之執弘送長安徙其豪右萬五千落

於雍州

秦雍州治安定

氏王楊盛攻秦祁山拔之進逼秦州

秦後將軍姚平救之盛引兵退平與上邽守將姚嵩追

之

將即亮翻

夏王勃勃帥騎四萬襲上邽

帥讀曰率騎奇寄翻

未至嵩

與盛戰於竹嶺敗死

水經注籍水歷當亭川又東南流與竹嶺水合水出南山竹嶺東北

入籍水籍水東北入上邽縣

勃勃攻上邽二旬克之殺秦州刺史姚

軍都及將士五千餘人因毀其城進攻陰密

陰密古密人之國詩

所謂密人不恭敢拒大邦者也自漢以來為縣屬安定郡括地志陰密故城在涇州鶉觚縣西其東接縣城即

古密

又殺秦將姚良子及將士萬餘人

將即亮翻

以其子昌

為雍州刺史鎮陰密征北將軍姚恢棄安定奔還長安

安定人胡儼等帥戶五萬據城降於夏

帥讀曰率降戶江翻

勃勃

使鎮東將軍羊苟兒將鮮卑五千鎮安定進攻秦鎮西

將軍姚謐于雍城謐委鎮犇長安勃勃據雍進掠郿城

將鮮即亮翻謐氏壬翻雍於用翻郿音媚又音眉

秦東平公紹及征虜將軍尹

昭等將步騎五萬擊之勃勃退趨安定

趨七喻翻

胡儼閉門

拒之殺羊苟兒及所將鮮卑復以安定降秦

復扶又翻下同

紹

進擊勃勃於馬鞍阪破之追至朝那不及而還

還從宣翻又如

字勃勃歸杏城楊盛復遣兄子倦擊秦至陳倉秦斂曼

嵬擊却之夏王勃勃復遣兄子提南侵洮陽

晉書載記作池陽當

從之池陽縣屬扶風郡唐為京兆雲陽縣復扶又翻

秦車騎將軍姚裕等擊却之

涼司馬索承明上書勸涼公暉伐河西王蒙遜

索昔各翻

暉古老翻

暉引見謂之曰蒙遜為百姓患孤豈忘之顧執力

未能除耳卿有必禽之策當為孤陳之

偽為于翻

直唱大言

使孤東討此與言石虎小豎宜肆諸市朝者何異

朝直遙翻

承明慙懼而退

秋七月魏主嗣大獵于牛川臨殷繁

水而還

北史曰登釜山臨殷繁水括地志曰釜山在媯州懷戎縣北三里

戊戌至平城

八月丙午大赦

寧州獻琥珀枕於太尉裕

琥珀出哀牢夷

廣雅曰琥珀生地中其上及旁不生草深者八九尺大如斛削去皮尖琥珀如斗初時如桃膠凝堅乃成博物志松脂淪入地千年化為茯苓茯苓千年化為琥珀今太山有茯苓而無琥珀永昌有琥珀而無茯苓裕

以琥珀治金創

治直之翻創初良翻

得之大喜命碎擣分賜北征

將士裕以世子義符為中軍將軍監太尉留府事劉穆

之為左僕射領監軍中軍二府軍司

監軍謂義符監太尉留府軍也監工

衛入居東府總攝內外以太慰左司馬東海徐羨之為

穆之之副左將軍朱齡石守衛殿省徐州刺史劉懷慎

守衛京師揚州別駕從事史張裕任留州事

任留州事  
任揚州留

後事也懷慎懷敬之弟也劉穆之內總朝政外供軍旅決

斷如流事無擁滯

朝直遙翻  
斷丁亂翻

賓客輻輳求訴百端內外

諮稟盈階滿室

盈階滿室謂諮  
稟之文書也

目覽辭訟手答牋書耳

行聽受口竝酬應不相參涉悉皆贍舉又喜賓客

贍時  
艷翻

喜許  
記翻

言談賞笑彌日無倦裁有閒暇手自寫書尋覽校

定性奢豪食必方丈旦輒為十人饌未嘗獨餐

饌雖戀翻又雖

皖翻嘗白裕曰穆之家本貧賤贍生多闕自叨忝以來

叨土

刀翻雖每存約損而朝夕所須微為過豐自此外一毫不

以負公中軍諮議參軍張邵言於裕曰人生危脆必當

遠慮穆之若邂逅不幸

脆此芮翻邂逅胡茂翻

誰可代之尊業

如此

尊業言裕已成之功業也尊者尊稱之也

苟有不諱處分云何

處昌呂翻分扶

問翻裕曰此自委穆之及卿耳丁巳裕發建康遣龍驤將

軍王鎮惡冠軍將軍檀道濟將步軍自淮淝向許洛

驤思

將翻冠古玩翻  
將步即亮翻

新野太守朱超石寧朔將軍胡藩趨陽

城振武將軍沈田子建威將軍傅弘之趨武關

喻趨七

建

武將軍沈林子彭城內史劉遵考將水軍出石門自汴

入河

汴水首受濟東南與淮通漢書地理志所謂狼湯渠是也狼音浪湯音宕昔大禹塞滎澤開此渠以

通淮泗禹貢所謂導沅水東流為濟入于河溢為滎東出于陶丘北者也漢修河隄始立石門以遏水水盛則

通于河水耗則輟流

以冀州刺史王仲德督前鋒諸軍開鉅野入

河

水經濟水北至東燕縣與河合酈道元注曰濟水自乘氏縣兩分東北入于鉅野濟之故瀆又北右合洪

水洪水上承鉅野薛訓渚自渚迄于北口一百二十里名曰洪水桓溫以太和四年率衆北入掘渠通濟義熙

十三年劉武帝西入長安又廣其功自洪口以上又謂桓公潰濟自是北注也遵考裕之族弟

也劉穆之謂王鎮惡曰公今委卿以伐秦之任卿其勉

之鎮惡曰吾不克關中誓不復濟江又復扶裕既行青州

刺史檀祗自廣陵輒率衆至涂中掩討亡命涂讀劉穆

之恐祗為變議欲遣軍時檀韶為江州刺史張邵曰今

韶據中流道濟為軍首謂為伐秦若有相疑之跡則大

府立危大府謂太尉留府其實指建康也不如逆遣慰勞以觀其意必

無患也勞力到翻穆之乃止初魏主嗣使公孫表討白亞



栗斯

事見上年

曰必先與秦洛陽戍將相聞使脩河南岸然

後擊之表未至胡人廢白亞栗斯更立劉虎為率善王

表以胡人內自攜貳執必敗散遂不告秦將而擊之大

為虎所敗

將即亮翻  
敗補邁翻

士卒死傷甚衆嗣謀於羣臣曰胡

叛踰年討之不克其衆繁多為患日深今盛秋不可復

發兵妨民農務

謂妨農收也  
復扶又翻

將若之何白馬侯崔宏曰

胡衆雖多無健將御之

將御即亮  
翻下同

終不能成大患表等

諸軍不為不足但法令不整處分失宜以致敗耳

處昌  
呂翻

分扶問翻

得大將素有威望者將數百騎往攝表軍無不克

矣

攝持也

相州刺史叔孫建前在并州為胡魏所畏服

胡魏

猶言胡晉也

諸將莫及可遣也嗣從之以建為中領軍督表

等討虎九月戊午大破之斬首萬餘級虎及司馬順宰

皆死俘其衆十萬餘口

太尉裕至彭城加領徐州刺

史以太原王玄謨為從事史

裕領徐州以玄謨為徐州從事史漢制諸州刺史皆

有從事史假佐其後宋文帝用玄謨以喪師至孝武之初義宣臧質之變卒賴以寧則裕之用人猶有漢高祖

諸葛孔明之識唐太宗託徐世勳喜薛仁貴未足以進此也

初王廙之敗也

事見一百九卷

隆安元年  
廐許令翻

沙門曇永匿其幼子華

曇徒含翻

使提衣襪自隨

襪防玉翻帕也以裹衣物魏舒襪被而出韓文襪被入直皆此義也

津羅疑之曇永呵華

曰奴子何不速行捶之數十

遲郎佐翻捶止藥翻

由是得免遇赦

還吳以其父存亡不測布衣蔬食絕交游不仕十餘年

裕聞華賢欲用之乃發廐喪使華制服服闋辟為徐州

主簿

裕用王華亦留以遺文帝闕苦穴翻

王鎮惡檀道濟入秦境所向皆

捷秦將王苟生以漆丘降鎮惡

漆丘蓋在梁郡蒙縣昔莊周為蒙漆園吏後人

因以漆丘名城將即亮翻降戶江翻下同

徐州刺史姚掌以項城降道濟諸

屯守皆望風款附惟新蔡太守董遵不下

新蔡縣漢屬汝南郡蔡平

侯自蔡徙此故曰新蔡魏分屬汝陰郡晉惠帝分汝陰立新蔡郡

道濟攻拔其城執遵

殺之進克許昌獲秦潁川太守姚垣及大將楊業沈林

子自汴入河襄邑人董神虎聚衆千餘人來降太尉裕

板為參軍林子與神虎共攻倉垣克之秦兗州刺史韋

華降神虎擅還襄邑林子殺之秦東平公紹言於秦主

泓曰晉兵已過許昌安定孤遠難以救衛宜遷其鎮戶

內實京畿可得精兵十萬

姚萇之興也以安定為根本後得關中以安定為重鎮徙

民以實之謂之鎮戶

雖晉夏交侵猶不亡國不然晉攻豫州夏攻

安定將若之何

夏戶推翻

事機已至宜在速決左僕射梁喜

曰齊公恢有威名為嶺北所憚鎮人已與勃勃深仇

謂鎮

兵常與勃勃血戰有父兄弟之仇

理應守死無貳勃勃終不能越安定

遠寇京畿若無安定虜馬必至于郿

郿音媚又音眉

今關中兵

足以拒晉無為豫自損削也泓從之吏部郎懿橫密言

於泓曰恢於廣平之難有忠勲於陛下

姓譜曰懿以謚為氏謂殺呂超

也難乃旦翻

自陛下龍飛紹統未有殊賞以答其意今外則

置之死地內則不豫朝權

朝直遙翻

安定人自以孤危逼寇

思南遷者十室而九若恢擁精兵數萬鼓行而向京師

得不為社稷之累乎

累力瑞翻

宜徵還朝廷以慰其心泓曰

恢若懷不逞之心徵之適所以速禍耳又不從王仲德

水軍入河將逼滑臺魏兗州刺史尉建畏懦帥衆棄城

北渡河

帥讀曰率

仲德入滑臺宣言曰晉本欲以布帛七萬

匹假道于魏不謂魏之守將棄城遽去

將即亮翻

魏主嗣聞

之遣叔孫建公孫表自河內向枋頭

既破劉虎因遣建等引兵南向枋音

方因引兵濟河斬尉建於城下投尸于河呼仲德軍人

問以侵寇之狀仲德使司馬竺和之對曰劉太尉使王

征虜自河入洛清掃山陵非敢為寇於魏也魏之守將

自棄滑臺去王征虜借空城以息兵行當西引於晉魏

之好無廢也

好呼到翻  
下好持同

何必揚旗鳴鼓以耀威乎嗣使

建以問太尉裕裕遜辭謝之曰洛陽晉之舊都而羌據

之晉欲修復山陵久矣諸桓宗族司馬休之國璠兄弟

魯宗之父子皆晉之蠹也而羌收之以為晉患

義熙元年  
桓譙

等奔秦六年八寇十一年司馬休之魯宗之等奔秦秦使將兵擾襄陽六年司馬國璠等奔秦數帥衆擾邊璠孚袁今晉將伐之欲假道于魏非敢為不利也魏河內翻

鎮將于栗磾有勇名築壘於河上以備侵軼

將即亮翻磾丁奚翻

軼宜結翻突也陸德明曰又音逸

裕以書與之題曰黑稍公麾下栗磾

好操黑稍以自標故裕以此目之魏因拜栗磾為黑稍

將軍

稍色角翻通俗文矛長丈八者謂之稍

冬十月壬戌魏主嗣如豺

山宮

初燕將庫儁官斌降魏既而復叛歸燕

將即亮翻儁奴

沃翻斌音彬降戶江翻下同復扶又翻

魏主嗣遣驍騎將軍延普渡濡水



擊斌斬之

水經濡水從塞外來過遼西令支縣北又東南過海陽縣西南入于海驍堅堯翻騎奇寄

翻魏書官氏志神元時餘部諸姓內入者可地延氏孝文時改為延氏濡乃官翻

遂攻燕幽州

刺史庫儋官昌征北將軍庫儋官提督斬之秦陽城

滎陽二城皆降晉兵進至成臯秦征南將軍陳留公洸

鎮洛陽

洸姑黃翻

遣使求救于長安秦主泓遣越騎校尉閭

生帥騎三千救之

使疏吏翻帥讀曰率

武衛將軍姚益男將步卒

一萬助守洛陽又遣并州牧姚懿南屯陝津

陝縣在大河之南攷

之水經則陝縣故城在大河之北二城之間謂之陝津左傳秦伯伐晉自茅津濟封殽尸而還茅津即陝津也

姚秦并冀二州治  
蒲阪陝式冉翻

為之聲援寧朔將軍趙玄言於洸曰

今晉寇益深人情駭動衆寡不敵若出戰不捷則大事

去矣宜攝諸戍之兵固守金墉以待西師之救金墉不

下晉必不敢越我而西是以不戰而坐收其弊也司馬

姚禹陰與檀道濟通主簿閻恢楊虔皆禹之黨也共嫉

玄言於洸曰殿下以英武之略受任方面今嬰城示弱

得無為朝廷所責乎洸以為然乃遣趙玄將兵千餘南

守柏谷塢

水經注洛水東逕偃師縣南又東逕柏谷塢  
北戴延之西征記曰塢在川南因高為塢高

一十餘丈杜佑曰柏谷塢在緱氏縣東北

廣武將軍石無諱東戡鞏城玄泣

謂洸曰玄受三帝重恩所守正有死耳

長興弘為三帝

但明公

不用忠臣之言為姦人所誤後必悔之既而成臯虎牢

皆來降

降戶江翻下同

檀道濟等長驅而進無諱至石關犇還

自洛城東至偃師四十五里偃師西北有漢廣野君卿食其廟廟東有二石關

龍驤司馬滎陽

毛德祖與玄戰于柏谷玄兵敗被十餘創據地大呼

驤思

將翻被皮義翻創初良翻呼火故翻

玄司馬蹇鑒冒刃抱玄而泣玄曰吾

創已重

創初良翻

君宜速去鑒曰將軍不濟鑒去安之與之

皆死姚禹踰城犇道濟甲子道濟進逼洛陽丙寅洸出

降道濟獲秦人四千餘人議者欲盡阬之以為京觀杜預

曰積尸封土其上謂之京觀觀古亂翻道濟曰伐罪弔民正在今日皆釋

而遣之於是夷夏感悅歸之者甚衆夏戶閭生姚益男

未至聞洛陽已沒不敢進乙丑詔遣兼司空高密王恢

之修謁五陵置守衛彭城王絃之子俊嗣高密王略國恢之其孫也五陵宣帝陵在河陰

曰高原景帝陵曰峻平文帝陵曰崇陽武帝陵曰峻陽惠帝陵曰太陽太尉裕以冠軍將

軍毛修之為河南河內二郡太守行司州事成洛陽冠古

翻玩

西秦王熾磐使秦州刺史王松壽鎮馬頭以逼秦

之上邽

丁度曰嵯冢山在古上邽縣西有神馬山

十一月甲戌魏主嗣還

平城

太尉裕遣左長史王弘還建康諷朝廷求九錫

時劉穆之掌留任而旨從北來穆之由是愧懼發病

劉穆之

之輔劉裕豈惟才智不及荀彧而識又不及馬弘珣之子也

王珣始見重於桓溫後為孝武所親

任十二月壬午詔以裕為相國總百揆揚州牧封十郡

為宋公備九錫之禮位在諸侯王上領征西將軍司豫

北徐雍四州刺史如故

雍於用翻

裕辭不受

西秦王熾磐

遣使詣太尉裕

使疏吏翻下同

求擊秦以自効裕拜熾磐平西

將軍河南公

秦姚懿司馬孫暢說懿使襲長安

說翰芮翻

誅東平公紹廢秦主泓而代之懿以為然乃散穀以賜

河北夷夏

河北縣自漢以來屬河東郡在蒲阪東時夷夏之民錯居之懿至陝津因散穀以賜焉夏

戶雅翻

欲樹私恩左常侍張敞侍郎左雅諫曰

左常侍侍郎皆懿國

官殿下以母弟居方面安危休戚與國同之今吳寇內

侵四州傾沒

秦徐州鎮項城兗州鎮倉垣豫州鎮洛陽荊州當鎮上洛時悉為晉所取

西虜

擾邊秦涼覆敗

謂赫連勃勃克上郿沮渠蒙遜入姑臧

朝廷之危有如累

卯穀者國之本也而殿下無故散之虛損國儲將若之  
何懿怒笞殺之泓聞之召東平公紹密與之謀紹曰懿  
性識鄙淺從物推移造此謀者必孫暢也但馳使徵暢  
遣撫軍將軍讚據陝城臣向潼關為諸軍節度若暢奉  
詔而至臣當遣懿帥河東見兵共禦晉師

帥讀曰率  
見賢遍翻

若

不受詔命便當聲其罪而討之泓曰叔父之言社稷之  
計也乃遣姚讚及冠軍將軍司馬國璠建義將軍虵玄

屯陝津

冠古玩翻璠享袁翻  
虵以者翻又如字

武衛將軍姚驢屯潼關懿

遂舉兵稱帝傳檄州郡欲運匈奴堡穀以給鎮人

匈奴堡在

平陽鎮人懿鎮蒲阪所領之衆也

寧東將軍姚成都拒之懿卑辭誘之

送佩刀為誓成都不從

誘音西

懿遣驍騎將軍王國帥甲

士數百攻成都成都擊禽之遣使讓懿曰明公以至親當重任國危不能救而更圖非望三祖之靈其肯佑明

公乎

姚弋仲廟號始祖長廟號太祖興廟號高祖所謂三祖也

成都將糾合義兵往

見明公於河上耳

蒲阪臨河故曰河上

於是傳檄諸城諭以逆順

徵兵調食以討懿

調徒鈞翻

懿亦發諸城兵莫有應者惟臨



晉數千戶應懿成都引兵濟河擊臨晉叛者破之鎮人

安定郭純等起兵圍懿東平公紹入蒲阪執懿誅孫暢

等是歲魏衛將軍安城孝元王叔孫俊卒魏主嗣甚

惜之謂其妻桓氏曰生同其榮能沒同其戚乎桓氏乃

縊而祔焉

嗣之立也叔孫俊有功事見一百一十五卷四年

丁零翟猛雀驅

掠吏民入白澗山為亂

白澗山當在漢河東獲澤縣西水經注獲澤水出獲澤城西白

澗嶺東逕獲澤唐澤州陽城縣即其地師古曰獲音烏號翻

魏內都大官河內張

蒲與冀州刺史長孫道生討之道生嵩之從子也

長知兩翻

從才用翻道生欲進兵擊猛雀蒲曰吏民非樂為亂為猛雀

所迫脅耳今不分別并擊之

樂音洛別彼列翻

雖欲返善其道

無由必同心協力據險以拒官軍未易猝平也

易以改翻

不

遣使諭之以不與猛雀同謀者皆不坐則必喜而

史使疏

道生從之

降者數千家使復舊業猛雀與

其黨百餘人出走蒲等追斬猛雀首左部尚書周幾窮討餘黨悉誅之

資治通鑑卷一百一十七

欽定四庫全書

總校官庶吉士臣侍朝

校對官檢討臣王坦修

謄錄監生臣張承恩

欽定四庫全書叢要

史部

資治通鑑卷一百二十八

詳校官編修臣汪鏞



欽定四庫全書薈要卷七千一百四

史部

資治通鑑卷一百一十八 宋 司馬光 撰

胡三省 音註

 晉紀四十

起疆國大荒落盡  
屠維協洽凡三年

安皇帝癸

義熙十三年春正月甲戌朔日有食之 秦主泓朝會

百官於前殿

朝直  
遙翻

以內外危迫君臣相泣

以內則兄弟  
構難外為晉

夏所  
迫也征北將軍齊公恢帥安定鎮戶三萬八千焚廬舍

自北雍州趨長安

秦分嶺北五郡為北雍州鎮安定泓不用東平公紹懿橫之言以召亂帥

讀曰率雍於用  
翻趨七喻翻

自稱大都督建義大將軍移檄州郡欲

除君側之惡揚威將軍姜紀帥眾歸之建節將軍彭完

都棄陰密犇還長安恢至新支姜紀說恢曰國家重將

大兵皆在東方京師空虛公亟引輕兵襲之必克恢不

從南攻郿城鎮西將軍姚謐為恢所敗

說翰芮翻敗補邁翻將即亮翻

郿音眉又音媚謐氏壬翻姚  
謐去年棄雍東奔遂屯于郿

長安大震泓馳使徵東平

公紹遣姚裕及輔國將軍胡翼度屯澧西

關中無澧水澧當作澧澧

水出鄠南澧谷北過上林苑入渭使䟽吏翻

扶風太守姚雋等皆降於恢

降戶

江東平公紹引諸軍西還與恢相持於靈臺

水經注漢靈臺在秦

阿房宮南鎬水逕其北

姚讚留寧朔將軍尹雅為弘農太守守潼

關

太守式又翻

亦引兵還恢衆見諸軍四集皆有懼心其將

齊黃等詣大軍降恢進兵逼紹讚自後擊之恢兵大敗殺恢及其三弟泓哭之慟葬以公禮太尉裕引水軍

發彭城留其子彭城公義隆鎮彭城詔以義隆為監徐

兗青冀四州諸軍事徐州刺史

監工衛翻

凉公暉寢疾

暉古

老遺命長史宋繇曰吾死之後世子猶卿子也善訓導

之二月嵩卒

卒子恤翻  
下將卒同

官屬奉世子歆為大都督大將

軍涼公領涼州牧大赦改元嘉興尊歆母天水尹氏為

太后以宋繇錄三府事

三府大都督大將軍  
府涼公府州牧府也

謚嵩曰武

昭王廟號太祖西秦安東將軍木奕干擊吐谷渾樹

洛干破其弟阿柴於堯杆川

堯杆川在塞外杆  
居寒翻又居案翻

俘五千

餘口而還

還而宣翻  
又如字

樹洛干走保白蘭山慙憤發疾將

卒謂阿柴曰吾子拾虔幼弱今以大事付汝樹洛干卒



卒子  
恤翻

阿柴立自稱驃騎將軍沙州刺史

驃匹妙翻  
騎奇寄翻

謚樹

洛干曰武王阿柴稍用兵侵併其傍小種

種章勇翻

地方數

千里遂為彊國

河西王蒙遜遣其將襲烏啼部大破

之

烏啼虜居張掖刪丹縣  
金山之西將即亮翻

又擊卑和部降之

卑和羌居  
西海降戶

江翻

王鎮惡進軍澠池

澠彌堯翻

遣毛德祖襲尹雅於蠡吾

城禽之

秦以雅為弘農太守屯蠡吾城據載記蠡吾城  
當在宜陽之西宋白曰蠡吾城後魏初猶屬弘

農唐以來為澠池縣理所余按蠡吾自是漢清河國雅  
界城名此乃蠡城非蠡吾城也通鑑蓋承晉書之誤

殺守者而逃鎮惡引兵徑前抵潼關檀道濟沈林子自

陝北渡河拔襄邑堡

陝式冉翻

秦河北太守薛帛犇河東

襄邑

堡在河北郡河北縣漢晉屬河東郡秦分立河北郡

又攻秦并州刺史尹昭於蒲

阪不克

阪音反

別將攻匈奴堡為姚成都所敗

將即亮翻下同敗蒲

邁翻辛酉滎陽守將傅洪以虎牢降魏秦主泓以東平公

紹為太宰大將軍都督中外諸軍事假黃鉞改封魯公使督武衛將軍姚鸞等步騎五萬守潼關又遣別將姚驢救蒲阪沈林子謂檀道濟曰蒲阪城堅兵多不可猝拔攻之傷衆守之引日王鎮惡在潼關勢孤力弱不如

與鎮惡合勢并力以爭潼關若得之尹昭不攻自潰矣

道濟從之三月道濟林子至潼關秦魯公紹引兵出戰

道濟林子奮擊大破之斬獲以千數紹退屯定城

郭緣生述

征記曰定城去潼關三十里夾道各一城渭水逕其北

據險拒守謂諸將曰道濟

等兵力不多懸軍深入不過堅壁以待繼援吾分軍絕

其糧道可坐禽也乃遣姚鸞屯大路以絕道濟糧道

自

池西入關有兩路南路由回谿阪自漢以前皆由之曹公惡南路之險更開北路遂以北路為大路載記曰紹留鸞守險以絕道濟糧道蓋鸞雖屯大路亦據險而邀絕糧道也紹初遣胡翼度據東原蓋與大路相為唇齒

所謂據險也及沈林子襲鸞營翼度不能救何也人心危駭面面受敵故也

鸞遣尹雅將兵

與晉戰於關南

關南潼關之南也

為晉兵所獲將殺之雅曰雅

前日已當死幸得脫至今死固甘心然夷夏雖殊

夏戶雅翻

君臣之義一也晉以大義行師獨不使秦有守節之臣

乎乃免之丙子夜沈林子將銳卒襲鸞營斬鸞殺其士

卒數千人紹又遣東平公讚屯河上以斷水道

斷丁管翻下兵

斷沈林子擊之讚敗走還定城薛帛據河曲來降

河水自蒲

同 阪南至潼關激而東流蒲阪河北之間謂之河曲

太尉裕將水軍自淮泗入清

河將沂河西上

上時掌翻下必上北上同

先遣使假道於魏

使疏吏翻

秦

主泓亦遣使請救於魏魏主嗣使羣臣議之皆曰潼關

天險劉裕以水軍攻之甚難若登岸北侵其勢便易

以易

豉翻裕聲言伐秦其志難測且秦婚姻之國不可不救也

秦女歸魏見上卷十一年

宜發兵斷河上流勿使得西博士祭酒崔

浩曰裕圖秦久矣今姚興死子泓懦劣國多內難

難乃旦翻

裕乘其危而伐之其志必取若遏其上流裕心忿戾必

上岸北侵是我代秦受敵也今柔然寇遼民食又乏若

復與裕為敵發兵南赴則北寇愈深救北則南州復危

南州謂魏之南境相州  
潁河諸郡復扶又翻

非良計也不若假之水道聽裕

西上然後屯兵以塞其東

塞悉則翻

使裕克捷必德我之假

道不捷吾不失救秦之名此策之得者也且南北異俗

借使國家棄恒山以南

恒戶登翻

裕必不能以吳越之兵與

吾爭守河北之地安能為吾患乎夫為國計者惟社稷

是利豈顧一女子乎議者猶曰裕西入關則恐吾斷其

後腹背受敵北上則姚氏必不出關助我其勢必聲西

而實北也嗣乃以司徒長孫嵩督山東諸軍事

長知兩翻

又

遣振威將軍娥清

孫恂曰娥姓也

冀州刺史阿薄干

魏書官氏志內入諸

姓阿伏干氏後為阿氏

將步騎十萬屯河北岸庚辰裕引軍入河

以左將軍向彌為北青州刺史留戍碣磧

晉氏南渡僑置青州於江

北裕平廣固置北青州於東陽而江北之青州如故今向彌以北青州刺史戍碣磧東陽之青州亦如故向式

亮初裕命王鎮惡等若克洛陽須大軍到俱進鎮惡等

乘利徑趨潼關

趨七喻翻

為秦兵所拒不得前久之乏食衆

心疑懼或欲棄輜重還赴大軍

重直用翻

沈林子按劔怒曰

相公志清六合今許洛已定關右將平事之濟否繫於

前鋒奈何沮乘勝之氣棄垂成之功乎

沮在呂翻

且大軍尚

遠賊衆方盛雖欲求還豈可得乎下官授命不顧

論語子張

曰士見危授命

今日之事當自為將軍辦之

偽于

未知二三君

子將何面以見相公之旗鼓邪

相公謂裕也

鎮惡等遣使馳

告裕求遣糧援裕呼使者開舫北戶

使疏吏翻舫甫妄翻方舟也大舟也

指河上魏軍以示之曰我語令勿進今輕佻深入

語牛倨翻

佻他雕翻

岸上如此何由得遣軍鎮惡乃親至弘農說諭百



姓

說輸  
芮翻

百姓競送義祖軍食復振

復扶又翻  
則復子復同

魏人以

數千騎緣河隨裕軍西行軍人於南岸牽百丈

百丈者  
所以挽

船今南人用麻繩北人以竹為之陸游曰  
蜀人百丈以巨竹四破為之大如人臂

風水迅急有

漂渡北岸者

漂匹  
招翻

輒為魏人所殺略裕遣軍擊之裁登

岸則走退則復來夏四月裕遣白直隊主丁昨

裕選白  
丁之壯

勇者入直左右使昨領之杜佑帥仗士七百人車百乘

曰白直無月給之數昨阮古翻

帥讀曰率渡北岸去水百餘步為却月陣兩端抱河車

乘繩證翻

置七仗士事畢使豎一白旄

豎上主翻說文曰豎立  
也旄仍吏翻續羽為之魏

人不解其意

解戶買翻曉也

皆未動裕先命寧朔將軍朱超石

戒嚴白牒既舉超石帥二千人馳往赴之齎大弩百張

一車益二十人設彭排於轅上魏人見營陣既立乃進

圍之長孫嵩帥三萬騎助之四面肉薄攻營

薄普各翻肉薄者以

身迫營血戰

弩不能制時超石別齎大鎚及稍千餘張

鎚傳為翻

乃斷稍長三四尺以鎚鎚之一稍輒洞貫三四人魏兵

不能當一時犇潰死者相積臨陣斬阿薄干魏人退還

畔城

斷丁管翻長直亮翻陳與陣同魏收地形志平原郡聊城縣有畔城

超石帥寧朔將

軍胡藩寧遠將軍劉榮祖追擊又破之殺獲千計魏主  
嗣聞之乃恨不用崔浩之言秦魯公紹遣長史姚洽寧  
朔將軍安鸞護軍姚墨蠡魯河東太守唐小方帥衆

三千屯河北之九原阻河為固欲以絕檀道濟糧援載記

曰紹欲以絕弘農諸縣糧援

沈林子邀擊破之斬洽墨蠡小方殺獲

殆盡林子因啟太尉裕曰紹氣蓋關中今兵屈於外國

危於內恐其凶命先盡不得以膏齊斧耳

齊讀曰資應劭曰齊利也

張晏曰齊如字征伐斧也以整齊天下也一紹聞洽等  
說齊作齊凡師出入齊戒入廟而受斧鉞也

敗死憤恚發病嘔血以兵屬東平公讚而卒

恚於避翻屬之欲翻

卒子恤翻

讚既代紹衆力猶盛引兵襲林子林子復擊破之

復扶又翻

太尉裕至洛陽行視城塹

行下孟翻

嘉毛脩之完葺之

功賜衣服玩好直二十萬

好呼到翻

丁巳魏主嗣如高柳

壬戌還平城河西王蒙遜大赦遣張掖太守沮渠廣

宗詐降以誘涼公歆

沮子余翻降戶江翻下同

歆發兵應之蒙遜將

兵三萬伏於蓼泉

新唐書地理志甘州張掖郡西北百九十里有祁連山山北有建康軍軍

西百二十里有蓼泉守捉城

歆覺之引兵還蒙遜追之歆與戰於解

支澗

解支澗晉書作鮮支澗當從之

大破之斬首七千餘級蒙遜城建

康置戍而還

五月乙未齊郡太守王懿降於魏上書

言劉裕在洛宜發兵絕其歸路可不戰而克魏主嗣善

之崔浩侍講在前嗣問之曰劉裕伐姚泓果能克乎對

曰克之嗣曰何故對曰昔姚興好事虛名而少實用子

泓懦而多病兄弟乖爭

好呼到翻少詩治翻謂弼懿恢皆與泓爭國

裕乘其

危兵精將勇何故不克

將即亮翻

嗣曰裕才何如慕容垂對

曰勝之垂藉父兄之資修復舊業國人歸之若夜蟲之

就火少加倚仗易以立功

少詩治翻易以致翻

劉裕奮起寒微不

階尺土討滅桓玄興復晉室

事見一百一十三卷元興三年

北禽慕容

超

事見一百一十五卷五年六年

南梟盧循

事見六年七年梟堅堯翻

所向無前非

其才之過人安能如是乎嗣曰裕既入關不能進退我

以精騎直擣彭城壽春

騎奇寄翻

裕將若之何對曰今西有

屈丐

北史曰明元改赫連勃勃名曰屈丐北方言屈丐者卑下也

北有柔然窺伺國

隙

吏同相翻

陛下既不可親御六師雖有精兵未睹良將

將即

亮長孫嵩長於治國短於用兵非劉裕敵也

治直之興翻下同

興

兵遠攻未見其利不如且安靜以待之

凡兵之動知敵之主知敵之將

此之謂也裕克秦而歸必纂其主關中華戎雜錯風俗勁悍

悍侯盱翻又下罕翻

裕欲以荆揚之化施之函秦此無異解衣包

火張羅捕虎雖留兵守之人情未洽趨尚不同適足為

寇敵之資耳

赫連之得關中崔浩固料之矣

願陛下按兵息民以觀其

變秦地終為國家之有可坐而守也嗣笑曰卿料之審

矣浩曰臣嘗私論近世將相之臣若王猛之治國苻堅

之管仲也

治直翻

慕容恪之輔幼主慕容暉之霍光也劉

裕之平禍亂司馬德宗之曹操也嗣曰屈丐何如浩曰

屈丐國破家覆孤孑一身

孑居列翻單也

寄食姚氏受其封殖

不思疇恩報義而乘時徼利盜有一方

事見一百一十四卷三年徼一

遙翻結怨四隣

謂與魏秦涼構怨也

擧豎小人

擧與掘同其月翻擧豎言擧起自豎立也

雖能縱暴一時終當為人所吞食耳嗣大悅語至夜半

賜浩御縹醪十觚

縹匹紹翻青白色曰縹醪酒曰醪觚飲器受三升此魏主所自御者故曰

御縹醪

水精鹽一兩

鹽透明如水精故謂之水精鹽

曰朕味卿言如此鹽

酒故欲與卿共饗其美然猶命長孫嵩叔孫建各簡精



兵伺裕西過自成臯濟河南侵彭沛若不時過則引兵

隨之

彭沛謂彭城沛郡也

魏主嗣西巡至雲中遂濟河畋于大

漠魏置天地四方六部大人以諸公為之

諸公謂時居公位及

位從公者

秋七月太尉裕至陝

陝式冉翻

沈田子傳弘之入武

關秦戍將皆委城走

將即亮翻

田子等進屯清泥秦主泓使

給事黃門侍郎姚和都屯嶢柳以拒之

嶢音堯

西秦相

國翟勅卒

勑渠京翻

八月以尚書令曇達為左丞相左僕射

元基為右丞相御史大夫麴景為尚書令侍中翟紹為

左僕射

翟勅既卒疊達皆序遷通鑑即西秦舊史書之疊徒含翻

太尉裕至閬鄉

閬音

沈田子等將攻嶢柳秦主泓欲自將以禦裕軍

將即

亮翻恐田子等襲其後欲先擊滅田子等然後傾國東出

乃帥步騎數萬奄至青泥

帥讀曰率騎奇寄翻

田子本為疑兵所

領裁千餘人聞泓至欲擊之傅弘之以衆寡不敵止之

田子曰兵貴用奇不必在衆且今衆寡相懸勢不兩立

若彼結圍既固則我無所逃矣不如乘其始至營陳未

立先薄之可以有功遂帥所領先進弘之繼之秦兵合

圍數重

陳讀曰陣重直龍翻

田子撫慰士卒曰諸君冒險遠來正

求今日之戰死生一決封侯之業於此在矣士卒皆踴

躍鼓譟執短兵奮擊秦兵大敗

沈田子以千餘人敗姚泓數萬之衆者置兵死

地人自為戰也斬馘萬餘級得其乘輿服御物

乘繩證翻

秦主泓犇

還灞上初裕以田子等衆少

少詩治翻

遣沈林子將兵自秦

嶺往助之

秦嶺在長安南班固西都賦所謂前乘秦嶺自此出藍田關裕蓋遣林子自陽華循山西

南至秦嶺

至則秦兵已敗乃相與追之關中郡縣多潛送款

於田子辛丑太尉裕至潼關以朱超石為河東太守使

與振武將軍徐猗之會薛帛於河北共攻蒲阪秦平原

公璞與姚和都共擊之

姚和都蓋青泥既敗而犇蒲阪也或曰和都當作成都

猗

之敗死超石犇還潼關東平公讚遣司馬國璠引魏兵

以躡裕後

璠乎袁翻躡尼輒翻

王鎮惡請帥水軍自河入渭以趨

長安

帥讀曰率水經河水歷船司空與渭水會春秋之渭汭即其地也趨七喻翻

裕許之秦

恢武將軍姚難自香城引兵而西

香城在渭水之北蒲津之口恢武將軍蓋

姚秦創置

鎮惡追之秦主泓自灊上引兵還屯石橋以為之

援

石橋在長安城洛門東北有石橋水經註曰石橋水南出馬嶺山積石據其東驪山距其西其水北逕鄭

城西水上有橋東去鄭城十里故世以橋名水  
三輔黃圖曰洛門長安城北出東頭第一門  
鎮北將

軍姚彊與難合兵屯涇上以拒鎮惡

涇水出安定涇陽縣開頭山東南至

陽陵入渭此涇上鎮惡使毛德祖進擊破之彊死難奔  
在漢京兆陽陵界

長安東平公讚退屯鄭城太尉裕進軍逼之泓使姚丕

守渭橋胡翼度屯石積東平公讚屯灊東泓屯逍遙園

水經註沈水上承樊川皇子陂北逕長安城西與昆明池水合其枝津東北流逕鄧艾祠南又東分為二水一

水入道

鎮惡泝渭而上

上時掌翻

乘蒙衝小艦行船者皆在

艦內秦人見艦進而無行船者皆驚以為神

艦戶

壬戌

旦鎮惡至渭橋令軍士食畢皆持仗登岸後登者斬衆  
既登渭水迅急艦皆隨流倏忽不知所在時泓所將尚  
數萬人

將即亮翻

鎮惡諭士卒曰吾屬並家在江南此為長

安北門去家萬里舟楫衣糧皆已隨流今進戰而勝則  
功名俱顯不勝則骸骨不返無他岐矣

岐旁出之道

卿等勉

之乃身先士卒

先悉薦翻

衆騰踴爭進大破姚丕於渭橋泓

引兵救之為丕敗卒所蹂踐不戰而潰姚謔等皆死

人蹂

九翻踐慈演

泓單馬還宮鎮惡入自平朔門

漢無平朔門蓋長安

城北門也後泓與姚裕等數百騎逃犇石橋東平公讚人改其名耳

聞泓敗引兵赴之衆皆潰去胡翼度降于太尉裕泓將

出降其子佛念年十一言於泓曰晉人將逞其欲雖降

必不免不如引決

降戶江翻引決謂自裁也

泓憮然不應

憮音武悵也失意貌

佛念登宮牆自投而死

姚佛念雖不及劉謐然以童稚之年氣烈如此亦可尚也

癸

亥泓將妻子羣臣詣鎮惡壘門請降鎮惡以屬吏

屬之欲翻

城中夷晉六萬餘戶鎮惡以國恩撫慰號令嚴肅百姓

安堵九月太尉裕至長安鎮惡迎於灊上裕勞之曰成

吾霸業者卿也鎮惡再拜謝曰明公之威諸將之力鎮

惡何功之有裕笑曰卿欲學馮異邪

謂馮異謙退不伐而能定關中

鎮

惡性貪秦府庫盈積鎮惡盜取不可勝紀

勝音升

裕以其

功大不問或譖諸裕曰鎮惡藏姚泓偽輦將有異志裕

使人覘之

覘丑廉翻又丑艷翻

鎮惡剔取其金銀棄輦於垣側裕

意乃安裕收秦彝器渾儀土圭記里鼓指南車送詣建

康

左傳祝佗曰成王分魯公以官司彝器杜預註彝器常用之器漢武帝時洛下閎鮮于妄人耿壽昌造員

儀以考歷度和帝時賈逵又加黃道順帝時張衡又制渾象具內外規黃赤道南北極列二十四氣二十八宿



中外星官及日月五緯以漏水轉之於殿上室內星中  
出沒與天相應其後吳陸績造渾象王蕃制渾儀舊渾  
象以二分為一度凡周七尺三寸半分張衡更制以四  
分為一度凡周一丈四尺六寸王蕃以古制局小星辰  
稠概衡器傷大難可轉移更制渾象以三分為一度凡  
周天一丈九寸五分之三周禮大司徒以土圭之法  
測土深正日景以求地中日南則景短多暑日北則景  
長多寒日東則景夕多風日西則景朝多陰日至之景  
尺有五寸謂之地中註云土圭所以致四時日月之景  
也鄭司農云測土深謂南北東西之深也日南立表處  
太南近日也日北謂立表處太北遠日也景夕謂日昃  
景乃中立表處太東近日也景朝謂日未中而景中立  
表處太西遠日也玄謂晝漏半而置土圭表陰陽審其  
南北景短於土圭謂之日南是地於日為近南也景長  
於土圭謂之日北是地於日為近北也東於土圭謂之  
日東是地於日為近東也西於土圭謂之日西是地於

日為近西也如是則寒暑陰風偏而不和是未得其所求凡日景於地千里而差一寸鄭司農又云土圭之長尺有五寸以夏至之日立八尺之表其景適與土圭等謂之地中今潁川陽城地為然晉輿服志記里鼓車駕四馬制如司南車崔豹古今注曰大章車所以識道里也起於西京亦曰記里車車上有二層皆有木人行一里下層擊鼓行十里上層擊鐺黃帝作指南車晉輿服志司南車一名指南車駕四馬其下制如樓三級四角金龍銜羽葆刻木為仙人衣羽衣立車上車雖回轉手常南指大駕出行為先啟之乘蕭子顯曰指南車四周廂上施屋指南人衣裙襦天衣在廂中上四角皆施龍了干緣帷色青孔雀毼烏布卑複幔漆畫輪駕牛皆銅校飾記里鼓車制如指南上施華蓋其餘金玉繒帛珍了織衣漆畫鼓機皆在內渾戶本翻

寶皆以頒賜將士

繒慈陵翻

秦平原公璞并州刺史尹昭以

蒲阪降東平公讚帥宗族百餘人詣裕降

降戶江翻帥讀曰率

裕

皆殺之送姚泓至建康斬於市

孝武太元九年姚萇建國改元白雀歲在甲申

傳三主三十四年而亡

裕以薛辯為平陽太守使鎮捍北道裕議

遷都洛陽諮議參軍王仲德曰非常之事固非常人所

及必致駭動今暴師日久士卒思歸遷都之計未可議

也裕乃止羌衆十餘萬口西犇隴上沈林子追擊至槐

里俘虜萬計

姚氏羌也姚氏既滅故羌衆西犇

河西王蒙遜聞太尉裕

滅秦怒甚門下校郎劉祥入言事

自曹操孫權置校事司察羣臣謂之校郎

後遂因之蒙遜置諸曹校郎如門下校郎中兵校郎是也蒙遜曰汝聞劉裕入關敢

研研然也遂斬之

楊正衡曰研五見翻然有其音而無其義河西士民乃心晉室蒙遜胡人

竊據其上聞裕入關慮其響應故斬祥以威衆以鎮服其心也姦雄之喜怒豈苟然哉魏書沮渠傳作妍妍華

人服飾妍靡自喜故蒙遜云然初夏王勃勃聞太尉裕妍讀如字音義皆通當從魏書

伐秦謂羣臣曰姚泓非裕敵也且其兄弟內叛安能拒

人裕取關中必矣然裕不能久留必將南歸留子弟及

諸將守之

將即亮翻下鎮將同

吾取之如拾芥耳乃秣馬礪兵訓

養士卒進據安定秦嶺北郡縣鎮戍皆降之裕遣使遺

勃勃書

降戶江翻使疏吏翻遺于季翻

約為兄弟勃勃使中書侍郎皇

甫徽為報書而陰誦之對裕使者口授舍人使書之裕

讀其文歎曰吾不如也

史言夷豪多權數

廣州刺史謝欣卒

東海人徐道期聚眾攻陷州城進攻始興始興相彭城

劉謙之討誅之詔以謙之為廣州刺史 癸酉司馬休

之司馬文思司馬國璠司馬道賜魯軌韓延之刁雍王

慧龍及桓溫之孫道度道子族人桓謐桓璲陳郡袁式

等皆詣魏長孫嵩降

姚秦既滅司馬休之等懼為裕所誅故皆降魏璠孚袁翻雍於容翻

璩音遂降  
戶江翻

秦匈奴鎮將姚成都及弟和都舉鎮降魏魏

主嗣詔民間得姚氏子弟送平城者賞之冬十月己酉

嗣召長孫嵩等還司馬休之尋卒於魏

卒子恤翻

魏賜國璫

爵淮南公道賜爵池陽子魯軌爵襄陽公刁雍表求南

鄙自效嗣以雍為建義將軍

建義將軍魏以是號寵刁雍言使之建義以復父兄

仇之雍聚衆於河濟之間

濟子禮翻

擾動徐兗太尉裕遣兵討

之不克雍進屯固山衆至二萬

詔進宋公爵為王增

封十郡辭不受

西秦王熾磐遣左丞相曇達等擊秦

故將姚父

父秦上邽之鎮將將即亮翻

父遣使稱藩

使疏吏翻

熾磐以父

為征東大將軍秦州牧徵王松壽為尚書左僕射

十二年熾

磐遣松壽屯馬頭以逼秦之上邽上邽降故徵還

十一月魏叔孫建等討西

山丁零翟蜀洛支等平之

西山魏安州之西山

辛未劉穆之卒

太尉裕聞之驚慟哀惋者累日

卒子恤翻惋烏貫翻

始裕欲留長

安經略西北而諸將佐皆久役思歸多不欲留

將即亮翻

會

穆之卒裕以根本無託遂決意東還

還從宣翻又如字

穆之

卒也朝廷恒懼

恒音匡怯也

欲發詔以太尉左司馬徐羨之

代之中軍諮議參軍張邵曰今誠急病任終在徐然世

子無專命宜須諮之裕欲以王弘代穆之從事中郎謝

晦曰休元輕易不若羨之

王弘字休元  
易以豉翻

乃以羨之為吏

部尚書建威將軍丹陽尹代管留任於是朝廷大事常

決於穆之者並悉北諮裕以次子桂陽公義真為都督

雍梁秦三州諸軍事安西將軍領雍東秦二州刺史

雍於

用翻義真時年十二以太尉諮議參軍京兆王脩為長史

王鎮惡為司馬領馮翊太守沈田子毛德祖皆為中兵



參軍仍以田子領始平太守德祖領秦州刺史天水太守傅弘之為雍州治中從事史先是隴上流戶寓關中

者望因兵威得復本土及置東秦州

時裕未得天水東秦州即毛德祖所

領或曰裕置東秦州使義真兼領先悉薦翻

知裕無復西略之意

復扶又皆反下同

歎息失望關中人素重王猛裕之克長安王鎮惡功為多由是南人皆忌之沈田子自以嶢柳之捷與鎮惡爭功不平裕將還田子及傅弘之屢言於裕曰鎮惡家在關中不可保信裕曰今留卿文武將士精兵萬人彼若

欲為不善正足自滅耳勿復多言裕私謂田子曰鍾會

不得遂其亂者以有衛瓘故也

會瓘事見七十八卷  
魏元帝咸熙元年

語

曰猛獸不如羣狐卿等十餘人何懼王鎮惡

為沈田子  
殺王鎮惡

張本

臣光曰古人有言疑則勿任任則勿疑裕既委鎮惡  
以關中而復與田子有後言是鬪之使為亂也惜乎

百年之寇千里之土得之艱難失之造次

造七  
到翻

使豐

鄣之都復輸寇手

鄣音  
浩

荀子曰兼并易能也堅凝之

難信哉

三秦父老聞裕將還詣門流涕訴曰殘民不需王化於  
今百年始覩衣冠人人相賀長安十陵是公家墳墓咸

陽宮殿是公家室宅

漢高帝長陵惠帝安陵文帝霸陵  
景帝陽陵武帝茂陵昭帝平陵宣

帝杜陵元帝渭陵成帝延陵哀帝義陵平帝康陵皆在  
關中凡十一陵言十者舉大數也長安咸陽宮殿皆漢  
故跡裕劉氏子孫故父捨此欲何之乎裕為之愍然為  
老以是為言而留之

偽慰諭之曰受命朝廷不得擅留誠多諸君懷本之志

今以次息

次息猶言  
次子也

與文武賢才共鎮此境勉與之居

十二月庚子裕發長安自洛入河開汴渠而歸

汴音卞

氏豪徐駭奴齊元子等擁部落三萬在雍遣使請降於

魏

雍於用翻使疏吏翻降戶江翻

魏主嗣遣將軍王洛生河內太守楊

聲等西行以應之 閏月壬申魏主嗣如大寧長川

秦雍人千餘家推襄邑令上谷寇讚為主以降於魏

秦讚

之襄邑令也

魏主嗣拜讚魏郡太守久之秦雍人流入魏之

河南滎陽河內者戶以萬數嗣乃置南雍州以讚為刺

史封河南公治洛陽

治直之翻

立雍州郡縣以撫之讚善於

招懷流民歸之者三倍其初 夏王勃勃聞太尉裕東

還大喜

善用兵者觀釁而動

問於王買德曰朕欲取關中卿試言

其方略買德曰關中形勝之地而裕以幼子守之狼狽

而歸正欲急成篡事耳不暇復以中原為意

劉裕之心事崔浩王

買德皆知之復扶又翻

此天以關中賜我不可失也青泥上洛南

北之險要宜先遣遊軍斷之東塞潼關

斷丁管翻塞悉則翻

絕其

水陸之路然後傳檄三輔施以威德則義真在網罟之

中不足取也

勃勃敗義真取關中卒如買德之計罟音古

勃勃乃以其子撫

軍大將軍瓚都督前鋒諸軍事帥騎二萬向長安

瓚古回翻

帥讀曰率騎奇寄翻

前將軍昌屯潼關以買德為撫軍右長史屯

青泥

劉裕得洛陽而不能禁寇讚窺伺於其側使義真守關中而不能禁夏兵之斷潼關青泥南歸彭城

席未煖而義真敗既棄天下肉未寒而四鎮失宜也

勃勃將大軍為後繼

將即亮翻下同

是歲魏都坐大官章安侯封懿卒

坐徂卧翻

十四年春正月丁酉朔魏主嗣至平城命護高車中郎

將薛繁帥高車丁零北略至弱水而還

魏倣漢置匈奴中郎將之官置

護高車中郎將帥讀曰率

辛巳大赦夏赫連瓚至渭陽關中民

降之者屬路降戶江翻龍驤將軍沈田子將兵拒之思驤

將畏其衆盛退屯劉迴堡遣使還報王鎮惡鎮惡謂王

脩曰公以十歲兒付吾屬當共思竭力而擁兵不進虜

何由得平使者還以告田子田子與鎮惡素有相圖之

志由是益忿懼未幾鎮惡與田子俱出北地以拒夏兵

赫連璜已至渭陽王沈烏能出北地乎此言北地者謂長安以北之地耳幾居豈翻軍中訛言鎮

惡欲盡殺南人以數十人送義真南還因據關中反辛

亥田子請鎮惡至傳弘之營計事田子求屏人語屏必

使其宗人沈敬仁斬之幕下矯稱受太尉令誅之弘之

犇告劉義真義真與王脩被甲登橫門以察其變

橫門長安

城北出東頭第一門被皮義翻橫音光

俄而田子帥數十人來言鎮惡反

脩執田子數以專戮斬之

數所以具翻

以冠軍將軍毛脩之代

鎮惡為安西司馬

冠古玩翻

傳弘之大破赫連瓚於池陽又

破之於寡婦渡

按宋白續通典今慶州北十五里有寡婦山蓋水發源是山其下流為寡婦渡

斬獲甚衆夏兵乃退壬戌太尉裕至彭城解嚴琅邪王

德文先歸建康裕聞王鎮惡死表言沈田子忽發狂易



奄害忠勲

狂易謂病狂而變易其常心易如字

追贈鎮惡左將軍青州刺

史以彭城內史劉遵考為并州刺史領河東太守鎮蒲

阪徵荊州刺史劉道憐為徐兗二州刺史裕欲以世子

義符鎮荊州以徐州刺史劉義隆為司州刺史鎮洛陽

中軍諮議張邵諫曰

諮議諮議參軍也

儲貳之重四海所繫不

宜處外

處昌呂翻

乃更以義隆為都督荆益寧雍梁秦六州

諸軍事西中郎將荊州刺史

更工衡翻雍於用翻

以南郡太守到

彥之為南蠻校尉張邵為司馬領南郡相冠軍功曹王

曇首為長史

冠古玩翻  
曇徒含翻

北徐州從事王華為西中郎主

簿

晉置南徐州於京口北徐州仍治彭城到彥之王曇首王華輔義隆入立遂居將相之任

沈林子

為西中郎參軍義隆尚幼府事皆決於邵曇首弘之弟

也裕謂義隆曰王曇首沈毅有器度宰相才也汝每事

諮之

沈持林翻

以南郡公劉義慶為豫州刺史義慶道憐之

子也裕解司州領徐冀二州刺史秦王熾磐以乞伏

木奕干為沙州刺史鎮樂都

樂音洛

二月乙弗烏地延帥

戶二萬降秦

三月遣使聘魏

使疏吏翻

夏四月己巳魏

徙冀定幽三州徙河於代都

魏主珪皇始二年克中山置安州又立行臺以鎮撫

其民天興三年改曰定州領中山常山鉅鹿博陵北平河間高陽趙郡宋白曰初置安州尋改定州以安定天下為名徙河蓋徙河之民徙慕容入中國留居三州者魏人因謂之徙河

初和龍有赤氣

四塞蔽日

塞悉則翻

自寅至申燕太史令張穆言於燕王跋

曰此兵氣也今魏方彊盛而執其使者

謂留于什門也事見一百十六

卷義熙

好命不通臣竊懼焉

好呼到翻

跋曰吾方思之五月

魏主嗣東巡至濡源及甘松

濡乃官翻

遣征東將軍長孫道

生安東將軍李先給事黃門侍郎奚觀帥精騎二萬襲

燕

觀古玩翻帥讀  
曰率騎奇寄翻

又命驍騎將軍延普幽州刺史尉諾

自幽州引兵趨遼西為之聲勢

魏書官氏志內入諸姓  
可地延氏為延氏驍堅

堯翻西方尉遲氏後  
改為尉氏尉音鬱

嗣屯突門嶺以待之道生等拔乙

連城進攻和龍與燕單于右輔古泥戰破之

義熙七年  
跋置單于

四輔單  
音蟬

殺其將皇甫規

將即  
亮翻

燕王跋嬰城自守魏人攻

之不克掠其民萬餘家而還

還從宣翻  
又如字

六月太尉裕

始受相國宗公九錫之命

十二年命下  
至是乃受

赦國中殊死以

下崇繼母蘭陵蕭氏為太妃以太尉軍諮祭酒孔靖為

宋國尚書令左長史王弘為僕射領選選須從事中郎

傅亮蔡廓皆為侍中謝晦為右衛將軍右長史鄭鮮之

為奉常行參軍殷景仁為祕書郎其餘百官悉依天朝

之制朝直遙靖辭不受亮咸之孫傳咸仕于武帝廓謨

之曾孫蔡謨歷事成康穆三朝鮮之渾之玄孫鄭渾見

卷漢獻帝建安十七年景仁融之曾孫也殷融見九十四卷景仁

學不為文敏有思致思相口不談義深達理體至於國

典朝儀舊章記注莫不撰錄撰士識者知其有當世之

志 魏天部大人白馬文貞公崔宏疾篤

去年魏置天地四方六部

大魏主遣侍臣問病一夜數返及卒詔羣臣及附國渠

帥皆會葬

渠大也卒子恤翻帥所類翻

秋七月戊午魏主嗣至平

城 九月甲寅魏人命諸州調民租戶五十石積於定

相冀三州

魏主珪天興四年置相州于鄴領魏陽平廣平汲郡東郡頓丘濮陽清河等郡冀州所領

止長樂渤海武邑章武樂陵而已調徒弔翻相息亮翻

河西王蒙遜復引兵伐

涼

復扶又翻下復歸同

涼公歆將拒之左長史張體順固諫乃止

蒙遜芟其秋稼而還

芟所街翻

歆遣使來告襲位冬十月以

歆為都督七郡諸軍事鎮西大將軍酒泉公

都督燉煌酒泉晉興

建康涼興及歆父嵩所置會稽廣夏凡七郡

姚弋叛秦降河西王蒙遜

姚弋

稱藩於乞伏事見上年降戶江翻

蒙遜引兵迎之弋叔父雋言於衆曰

秦王寬仁有雅度自可安居事之何為從河西王西遷

衆咸以為然乃相與逐弋推雋為主復歸於秦秦王熾

磐徵雋為侍中中書監賜爵隴西公以左丞相曇達為

都督洮罕以東諸軍事征東大將軍秦州牧鎮南安

洮罕

謂臨洮洮罕也曇徒含翻洮土刀翻

劉義真年少

少詩照翻

賜與左右無節

王脩每裁抑之左右皆怨譖脩於義真曰王鎮惡欲反

故沈田子殺之脩殺田子是亦欲反也義真信之使左

右劉乞等殺脩脩既死人情離駭莫相統壹義真悉召

外軍入長安

外軍謂屯蒲阪以捍魏屯渭北以捍夏之軍也

閉門拒守關中郡

縣悉降於夏赫連瑱夜襲長安不克

降戶江翻瑱古回翻

夏王勃

勃進據咸陽長安樵采路絕宋公裕聞之使輔國將軍

蒯恩如長安召義真東歸

蒯苦以怪翻

以相國右司馬朱齡石

為都督關中諸軍事右將軍雍州刺史代鎮長安

晉先置雍



州於襄陽此為北  
雍州雍於用翻

裕謂齡石曰卿至可勅義真輕裝速

發既出關然可徐行

然下當有後字

若關右必不可守可與義

真俱歸又命中書侍郎朱超石慰勞河洛

勞力到翻

十一月

齡石至長安義真將士貪縱大掠而東

將即亮翻

多載寶貨

子女方軌徐行雍州別駕韋華犇夏

韋華本姚氏臣也裕用為雍州別駕

赫連瑱帥衆三萬追義真建威將軍傅弘之曰公處分

亟進今多將輜重

帥讀曰率處昌呂翻分扶問翻重直用翻

一日行不過十

里虜追騎且至

騎奇寄翻下同

何以待之宜棄車輕行乃可以

免義真不從俄而夏兵大至傅弘之崩恩斷後

斷丁管翽

力

戰連日至青泥晉兵大敗弘之恩皆為王買德所禽

買德

先屯青泥故二將為所邀而見禽

司馬毛脩之與義真相失亦為夏兵

所禽義真行在前會日暮夏兵不窮追故得免左右盡

散獨逃草中中兵參軍段宏單騎追尋緣道呼之義真

識其聲出就之曰君非段中兵邪身在此行矣

晉人多自稱為

身必不兩全可刎身頭以南使家公望絕

魏晉之間凡人子者稱其

父曰家公人稱之曰尊公刎扶粉翽

宏泣曰死生共之下官不忍乃束義

真於背單馬而歸義真謂宏曰今日之事誠無算略然

丈夫不經此何以知艱難夏王勃勃欲降傅弘之

降戶江翻

弘之不屈勃勃裸之弘之叫罵而死

裸郎果翻

勃勃積人頭

為京觀號曰髑髏臺

觀古玩翻髑髏徒谷翻髑髏洛侯翻

長安百姓逐朱齡

石齡石焚其宮殿犇潼關

義真既大掠長安而歸長安之人固仇視晉人也齡石奉

宋公之命與義真俱歸可笑癡坐長安以待逐何歟

勃勃入長安大饗將士舉觴

謂王買德曰卿往日之言一暮而驗可謂算無遺策此

觴所集非卿而誰以買德為都官尚書封河陽侯龍驤

將軍王敬先戍曹公壘

曹公壘在潼關曹操伐韓馬所築也驤思將

翻齡石往

從之朱超石至蒲阪聞齡石所在亦往從之赫連昌攻

敬先壘斷其水道

斷丁管翻

衆渴不能戰城且陷齡石謂超

石曰弟兄俱死異域使老親何以為心爾求間道亡歸

間古覓翻

我死此無恨矣超石持兄泣曰人誰不死寧忍今

日辭兄去乎遂與敬先及右軍參軍劉欽之皆被執送

長安勃勃殺之

被皮義翻

欽之弟秀之悲泣不歡燕者十年

欽之穆之之從兄子也

從才用翻

宋公裕聞青泥敗未知義

真存亡刻日北伐

使裕能復北伐則聞青泥之敗當投袂而起矣何待刻日乎英雄所為固

非常人所測識也

侍中謝晦諫以士卒疲弊請俟他年不從

晦請

俟他年亦裕所謂識機變者也鄭鮮之之言則異於是

鄭鮮之上表以為虜聞殿

下親征必併力守潼關徑往攻之恐未易可克

易以豉翻

若

輿駕頓洛則不足上勞聖躬且虜雖得志不敢乘勝過

陝者猶攝服大威

陝失冉翻攝讀曰懾

為將來之慮故也若造洛

而反虜必更有揣量之心或益生邊患

造七到翻揣初委翻量音良

況大軍遠出後患甚多昔歲西征劉鍾狼狽

謂十一年盜襲冶亭

也時去年北討廣州傾覆

謂徐道期陷廣州也

既往之效後來之鑒

也今諸州大水民食寡乏三吳羣盜攻沒諸縣皆由困

於征役故也江南士庶引領顚顚

顚魚容翻

以望殿下之返

旆聞更北出不測淺深之謀往還之期臣恐返顧之憂

更在腹心也若慮西虜更為河洛之患者宜結好北虜

北虜親則河南安

北虜魏也好呼到翻

河南安則濟泗靜矣

濟子禮翻

會得段宏啟知義真得免裕乃止但登城北望慨然流

涕而已降義真為建威將軍司州刺史以段宏為宋臺

黃門郎領太子右衛率

率所律翻

裕以天水太守毛德祖為

河東太守代劉遵考守蒲阪

裕雖知德祖善守而用之然人心已搖宜其不能固

也為下德祖棄蒲阪張本

夏王勃勃築壇於灊上即皇帝位改元

昌武西秦王熾磐東巡十二月徙上邽民五千餘戶

于枹罕

枹音膚

彗星出天津入太微經北斗絡紫微

晉書

天文志曰箕四星一曰天津又曰天漢經尾箕之間謂之漢津太微天子庭也在北斗南紫微十五星在北斗

北彗祥歲翻

八十餘日而滅魏主嗣復召諸儒

復扶又翻

術士問

之曰今四海分裂災咎之應果在何國朕甚畏之卿輩

盡言勿有所隱衆推崔浩使對浩曰夫災異之興皆象

人事人苟無覺又何畏焉

覲許翻

昔王莽將篡漢彗星出

入正與今同

漢書天文志曰哀帝建平二年彗星出牽牛七十餘日傳曰彗者所以除舊布新牽

牛日月五星所從起三正之始彗而出之改更之象也其後卒有王莽篡國之禍

國家主尊臣

卑民無異望晉室陵夷危亡不遠彗之為異其劉裕將

篡之應乎衆無以易其言

宋公裕以讖云昌明之後

尚有二帝

晉書帝紀曰初簡文帝見讖云晉祚盡昌明及孝武帝之在孕也李太后夢神人謂之曰

汝生男以昌明為字及產東方始明因以為名簡文後悟乃流涕又曰讖云昌明之後有二帝裕乃使繼帝而



立恭帝以應二  
帝云識楚讚翻

乃使中書侍郎王韶之與帝左右密謀

酖帝而立琅邪王德文德文常在帝左右飲食寢處未

嘗暫離

處昌呂翻  
離力智翻

韶之伺之經時不得間會德文有疾

出居於外戎寅韶之以散衣縊帝於東堂

年三十七伺  
相吏翻間古

覓翻散悉亶翻縊  
於賜翻又於計翻

韶之虞之曾孫也

虞王敦之從弟虞  
羊至翻又逸職翻

裕因稱遺詔奉德文即皇帝位大赦是歲河西王蒙

遜奉表稱藩拜涼州刺史尚書右僕射袁湛卒

恭皇帝

諱德文字德文安帝母弟也謚法尊賢貴  
義敬事供上尊賢敬讓愛民長弟執禮御

賓比親之闕皆曰恭長弟謂  
順長接弟御賓迎待賓也

元熙元年春正月壬辰朔改元立琅邪王妃褚氏為

皇后后裒之曾孫也

褚裒崇德太后之父裒蒲侯翻

魏主嗣敗于犢

渚

據北史犢渚在柞山西臨河

甲午徵宋公裕入朝

朝直遙翻

進爵為

王裕辭

癸卯魏主嗣還平城

庚申葬安皇帝于休

平陵

刺劉道憐司空出鎮京口

刺者敕字之誤也司空之上又當逸以字

夏將叱奴侯提帥步騎二萬攻毛德祖於蒲阪

將即亮翻

帥讀曰率騎奇寄翻阪音反

德祖不能禦全軍歸彭城二月宋公裕

以德祖為滎陽太守戍虎牢

宋白曰虎牢古東號國春秋為鄭之制邑漢為成臯

縣穆天子傳天子獵于鄭有虎在葭中七萃之士禽之以獻命畜之東號號曰虎牢後為成臯縣北臨黃河後

漢為成臯關後魏為東中郎將府唐為汜水縣

夏主勃勃徵隱士京兆韋祖

思祖思既至恭懼過甚勃勃怒曰我以國士徵汝汝乃

以非類遇我汝昔不拜姚興今何獨拜我我在汝猶不

以我為帝王我死汝曹弄筆當置我於何地邪遂殺之

勃勃之殺祖思虐矣然祖思之恭懼過甚勃勃以為羣薄已而殺之則勃勃為有見而祖思為無所守也

臣請都長安勃勃曰朕豈不知長安歷世帝王之都沃

饒險固然晉人僻遠終不能為吾患魏與我風俗略同  
土壤鄰接自統萬距魏境裁百餘里朕在長安統萬必  
危若在統萬魏必不敢濟河而西諸卿適未見此耳皆

曰非所及也

使勃勃常在猶云可也勃勃死則統萬為魏有古人所以貽厥子孫者固有道也

乃於長安置南臺以赫連瑣領大將軍雍州牧錄南臺

尚書事

瑣工回翻雍於用翻

勃勃還統萬大赦改元真興勃勃性

驕虐視民如草芥常居城上置弓劍於側有所嫌忿手

自殺之羣臣迂視者鑿其目

索隱白迂者逆也迂五故翻

笑者決其

脣諫者先截其舌而後斬之 初司馬楚之奉其父榮

期之喪歸建康

榮期死見一百一十四卷安帝義熙二年

會宗公裕誅翦宗

室之有才望者楚之叔父宣期兄貞之皆死楚之亡匿

竟陵蠻中及從祖休之自江陵奔秦

休之宣帝弟魏中郎進之六世孫楚

之宣帝弟太常馮之八世孫故休之於楚之為從祖休之奔秦見上卷義熙十一年從才用翻

楚之亡

之汝潁間聚衆以謀復讎楚之少有英氣能折節下士

少詩照翻折而有設翻下遐稼翻

有衆萬餘屯據長社裕使刺客沐謙往

刺之

沐莫卜翻姓也風俗通漢有東平太守沐寵蜀本作沐音述非也

楚之待謙甚厚

謙欲發未得間乃夜稱疾知楚之必往問疾因欲刺之

間古莧翻  
刺七亦翻

楚之果自齋湯藥往視疾情意勤篤謙不忍

發乃出匕首於席下以狀告之曰將軍深為劉裕所忌

願勿輕率以自保全遂委身事之為之防衛王鎮惡之

死也沈田子殺其兄弟七人唯弟康得免逃就宋公裕

于彭城裕以為相國行參軍

晉制諸公府置諸曹參軍  
又有正參軍行參軍長兼

行參軍  
等員

康求還洛陽視母會長安不守康糾合關中徙

民得百許人驅帥僑戶七百餘家共保金墉城

帥讀曰  
率下同

時宗室多逃亡在河南有司馬文榮者帥乞活千餘戶

屯金墉城南

惠帝時并州饑荒其吏民隨東燕王騰東下號曰乞活是後流徙逐糧者亦曰乞活

又有司馬道恭自東垣帥三千人屯城西

按魏收地形志洛州新安

郡有東垣縣注云二漢晉屬河東後屬參攷漢晉志河

東郡有垣縣無東垣孝武太元十一年馮該擊斬符丕

於東垣此時已有東垣之名宋白曰宋武入洛更置東

垣西垣二縣新唐書地理志河南府新安縣高祖武德

初析置東垣縣則司馬順明帥五千人屯陵雲臺司馬

知東垣在新安界

楚之屯柏谷塢魏河內鎮將于栗磾遊騎在芒山上

將即

亮翻磾丁奚攻逼交至康堅守六旬裕以康為河東太

翻騎奇寄翻

守遣兵救之平等皆散走

詳考上文未知  
平等為何人

康勸課農桑

百姓甚親賴之司馬順明司馬道恭及平陽太守薛辯

皆降於魏

降戶江  
翻下同

魏以辯為河東太守以拒夏人

夏

四月秦征西將軍孔子帥騎五千討吐谷渾覓地於弱

水南

孔子亦乞伏氏也禹貢導弱水至于合黎餘波入  
于流沙地志云弱水出刪丹縣亦謂之張掖河合

黎在酒泉會水縣東北流沙張掖居延縣  
東北之居延澤是也曾氏曰弱水出窮谷

大破之覓地

帥其衆六千降於秦拜弱水護軍 庚辰魏主嗣有事

于東廟

古制左祖右社魏建宗廟於平城宮之東因曰  
東廟杜佑曰明元永興四年立太祖道武廟於



白登山歲一祭無常月又於白登西太祖舊遊之處立  
昭成獻明太祖廟常以九月十月之交親祀焉則東廟  
者白登山廟也以山西助祭者數百國辛巳南巡至雁  
又有廟故以此為東廟

門 五月庚寅朔魏主嗣觀漁于澧水已亥還平城

澧水

水涼公歆用刑過嚴又好治宮室

好呼到翻治直之翻

從事中

郎張顯上疏以為涼土三分

謂李氏渠乞伏也沮

勢不支久兼并

之本在於務農懷遠之略莫如寬簡今入歲已來陰陽

失序風雨乖和是宜減膳徹懸

古者天子膳用六牲具馬牛羊犬豕雞諸侯膳

用三牲懸樂懸也天子宮懸諸侯軒懸大荒大札天地有裁國有大故則減膳徹樂穀梁傳曰五穀不升為天

饑一穀不升謂之饑二穀不升謂之饑三穀不升謂之饑四穀不升謂之康五穀不升謂之大侵大侵之禮君食不兼味臺榭不塗弛侯廷道不除百官布而不祭鬼神禱而不祀白虎通曰一穀不升徹鵲鵲二穀不升徹鳧鴈三穀不升徹雉兔四穀不升側身脩道而更繁刑峻升損園獸五穀不升不備三牲

法繕築不止殆非所以致興隆也昔文王以百里而興

二世以四海而滅

周文王興于岐周地方百里秦二世承始皇之後奄有四海卒以滅亡

前車之軌得失昭然太祖以神聖之姿為西夏所推左

取酒泉右開西域

李嵩廟號太祖為西夏所推事見一百一十二卷安帝隆安四年取酒泉

見五年開西域亦見四年夏戶雅翻

殿下不能奉承遺志混壹涼土倖蹤

張后

張后謂張軌及其子若孫也

將何以下見先王乎沮渠蒙遜外

蕃之傑內脩政事外禮英賢攻戰之際身均士卒百姓

懷之樂為之用

沮子余翻樂音洛

臣謂殿下非但不能平殄蒙

遜亦懼蒙遜方為社稷之憂歆覽之不悅主簿汜稱上

疏諫曰

凡記音

天之子愛人主殷勤至矣故政之不脩下

災異以戒告之改者雖危必昌不改者雖安必亡元年

三月癸卯敦煌謙德堂陷

張駿據河西起謙光殿于姑臧自謂專制一方而事晉不

改臣節雖謙而光也李嵩得敦煌亦稱藩於晉起謙德堂其志猶張氏也敦煌徒門翻

八月效穀

地裂二年元日昏霧四塞四月日赤無光二旬乃復十

一月狐土南門今茲春夏地頻五震六月隕星于建康

臣雖學不稽古行年五十有九請為殿下略言耳目之

所聞見不復能遠論書傳之事也

塞悉則翻上時掌翻為于偽翻不復扶又

翻傳直應翻乃者咸安之初西平地裂狐入謙光殿前俄而

秦師奄至都城不守

咸安簡文帝年號涼土以姑臧為都城孝武太元元年秦入姑臧蓋

地裂狐入在咸安之初而其應在太元之初也

梁熙既為涼州不撫百姓專為

聚斂

斂力贍翻

建元十九年姑臧南門崩隕石於閑豫堂明

年為呂光所殺

以太元元年秦主堅建元之十二年也堅以梁熙鎮涼州建元十九年堅敗於淮

南晉太元之八年也明年呂光殺梁熙

段業稱制此方三年之中地震五

十餘所既而先王龍興於瓜州

瓜州敦煌郡也攷之晉志張氏置沙州于敦煌

未嘗置瓜州又攷之唐志沙州敦煌郡本瓜州武德五年曰西沙州貞觀七年曰沙州瓜州晉昌郡武德五年

析沙州之常樂置蓋李暠興于敦煌自稱秦涼二州牧其後遷于酒泉以敦煌為瓜州至唐復以敦煌為沙州

以晉昌為瓜州而瓜州分為二州矣蒙遜篡弒於張掖此皆目前之成事

殿下所明知也效穀先王鴻漸之地

暠自效穀令得敦煌遂有七郡故云

然易所謂鴻漸者鴻水鳥也自水而漸于干又漸于磐又漸于陸又漸于木自下而進漸升而上也謙德

即尊之室基陷地裂大凶之徵也日者太陽之精中國

之象赤而無光中國將衰諺曰

諺音彥

野獸入家主人將

去狐上南門亦變異之大者也今外蕃益盛中國益微

願殿下亟罷宮室之役止遊畋之娛延禮英俊愛養百

姓以應天變防未然歆不從秋七月宋公裕始受進

爵之命八月移鎮壽陽以度支尚書劉懷慎為督淮北

諸軍事徐州刺史鎮彭城

曹魏文帝置度支尚書掌軍國支計晉因之度徒洛翻

辛未魏主嗣東巡甲申還平城九月宋王裕自解

揚州牧 秦左衛將軍匹達等將兵討彭利和于潞川

大破之利和單騎奔仇池獲其妻子徙羗豪三千戶于

枹罕潞川羗三萬餘戶皆安堵如故冬十月以尚書右

僕射王松壽為益州刺史鎮潞川

潞其良翻騎奇寄翻枹音膚

宋

王裕以河南蕭條乙酉徙司州刺史義真為揚州刺史

鎮石頭蕭太妃謂裕曰道憐汝布衣兄弟宜用為揚州

裕曰寄奴於道憐豈有所惜

裕小字寄奴道憐蕭太妃所生也

揚州根

本所寄事務至多非道憐所了太妃曰道憐年出五十

豈不如汝十歲兒邪裕曰義真雖為刺史事無大小悉

由寄奴道憐年長不親其事於聽望不足

聽望猶言觀聽也長知兩

翻

太妃乃無言道憐性愚鄙而貪縱故裕不肯用 十

一月丁亥朔日有食之 十二月癸亥魏主嗣西巡至

雲中從君子津西渡河大獵於薛林山

按魏書帝紀薛林山在屋寶城

西

辛卯宋王裕加殊禮進王太妃為太后世子為太

子

資治通鑑卷一百一十八